




東選品節

午記







東選品節

記

翠雲傳記
○安朝

余於皇慶壬子春以單騎遊仙槎郡之南白沙平堤有

稚松數千餘株童可愛余顧謂同遊邑人曰待松之長構亭于此

則可與寒越二亭相甲乙也厥後有邑人訪余者則必問松之平安否

也越恭定丙寅年同聞存撫使朴公於仙槎郡構新樓而風致最佳

同其所即余往往見稚松之地也常思欲一登斯樓以償吾往昔

之志而計無得也今幸出鎮是邦再登斯樓其清幽勝致不是塵熱

間所常見者大抵樓亭之作不在高曠則在幽深而倦彼則思此倦

此則思彼者人情之常也凡閩東樓臺亭榭皆在高曠故人之

遊者目倦乎風濤之怒身疲乎氛霧之蒸而及登斯樓得
清幽之趣則如走壙因歎入于密谷還空俸鳥投彼茂林有玉
巢存焉此朴公置樓之志歟朴公高情澈識非余庸陋之比而斯
樓之作偶与僕注皆淺見相合則余於奇觀異境雖曰有眼可不
怪也因追念舊遊二紀于今而松之稚者皆已壯矣夫人之見松之稚
而又見其壯者能無情乎悲感之餘不忍嘿過書以記之

臨瀛公
館墨叶

辨人心之在乎中而不接於外則虛靈不動而安其本有事物交於

我然沒有以動於中而發於外其接物而動我心者耳目口鼻之類

皆是而目之所交者尤廣焉此物之交於我者有心而激我者有不
心而撓我者惟聖人應物有道而不失其正衆人則因物有遷而趨

向異達故古之君子欲正其心者常於日用之間慎其接物而至於
目之所翫則尤自擇焉有封冰壘而思其清佩絃章而効其柔急
者存焉蓋欲謹其外而養其中也臨瀛東方巨鎮而公館無屏障
之設過於陋素余得生絹數疋作長屏十二疊請鈿山道人行公掃
墨竹此雖直為奇翫而歸其陋素而已其六深有所取者焉夫竹之
為物清而無累貞而不愛虛而有容直而不倚古今賢君子無不
愛之王子猷曰何可一日無此君耶其見愛也類如此求之於人則其
伯夷之流也孟子曰聞伯夷之風者頑夫廉懦夫有立志且於百世之
下聞其風者其効如此況於晨夕起居之際目見而親炙之乎自今
到是館而坐是屏者見竹之清則可以懷廉恥而不傷民財見竹

之貞則可以勵節義而不易所守見竹之虛則可以寬裕容衆
而無芥蒂之心見竹之直則可以不隨時阿附而挺然獨立竹之所以
激人者如是則斯屏之設豈非生民之福歟人之見是竹而得是心
者善矣見是竹而不得是心者余記是觀焉。以陵府鏡
浦臺記夫天下之物
凡有形者皆有理大而山水小而至於拳石寸木莫不皆然人之遊
者覽是物而寓興因以為樂焉此樓臺亭榭之所由作也夫形之
奇者在乎顯而目所玩理之妙者隱乎微而心所得目玩奇形愚
智皆同而見其偏心得妙理君子為然而樂其專孔子曰仁者
樂山智者樂水此非謂翫其奇而見其偏蓋得其妙而樂其
專也余未遊閩東時論閩東形勝者皆曰國島蒼石而鏡浦

臺不甚稱美越恭之丙寅今知秋部學士朴公淑自閑東仗節
而還謂余曰臨瀛鏡浦臺羅代永郎仙人所遊也余登是臺觀山
水之美心誠樂之到今愧未當忘也臺舊無亭宇則遊者
病焉故命邑人構小亭于其上予為我記之余聞是言怪朴公
之見與衆人之論不同不敢妄自評品思欲一覽而後記之今幸承
命出鎮是方歷覽奇勝彼國島嶼石亭奇崖怪石實驚駭人
目而乃奇形之一物也及登是臺淡然間曠無奇怪異物驚駭人目
者但遠近山水而已坐而四顧水之遠者滄溟浩漭而烟浪崢嶸近
則鏡浦澄清而風漪溶漾山之遠者洞壑千重雲霞隱縹渺近則
峯壑十里而草樹青蔥常有沙隄水鳥浮沉往來容与乎臺前

其春秋烟月朝暮陰晴隨時變化氣象不常此亭之大幸也
余坐亭而冥搜不覺漠然凝神至味存乎閒淡之中逸想超乎
奇形之外有心獨知之而口不可狀言者矣然後知朴公之所樂者
不在奇怪一物而得吾所謂理之妙者昔永郎之遊是臺也必有
所樂焉今朴公所樂者其得永郎之心歟朴公命邑人構是亭
邑人咸曰永郎遊是臺而未聞有亭字今予載之下安用亭為
遂以陰陽忌語告之朴公不聽督命之役者除土而得亭舊基
礎砌猶存邑人異之不敢有言亭之基迹既去古綿遠至於埋
沒邑人不知今而偶見此安知非永郎復生歟今耶余前聞朴公之
言而得其端今登是臺而考其詳因書于亭上

唐錦樓記
李商賢山川登

臨之勝不必皆在僻遠之方王者之所都萬衆之所會固未嘗與山
川也爭名者於朝爭利者於市雖使衡廬湖湘列于跬步俯仰之內將避
迹而莫之知有也何者迹處而不見山攫金而不見人察秋毫而不見輿
薪心有暇專而自不暇他及也其好事而用力者踰關津十里規之於
丘壑之遊自以為高康樂之用道小民之所驚許記之同舍豪士之所
諱又不若不為之為高也京城之南有池可方百畝環而居者罔聞烟花之
舍鱗錯而櫛比負戴駢赤道其傍而往來者絡繹而後先豈知有
幽奇閒廣之境迤在其間耶后至元丁丑夏荷花盛開玄福君權侯
見而愛之直地之東購地起樓倍尋以為宗參丈以為袤不礎而樞
取不朽不瓦而茨取不漏桶不斷不豐而不撓壘不腹不華而不陋大約

如是而一池之荷盡已而有之程是請其大人吉昌公與兄弟姻婭于
其上怡愉竟日忘歸子有能大書者使之書雲錦二字揭爲樓
名余試注觀之紅香綠影浩無畔荒穠藉風露搖曳烟波可謂
名不虛得者矣不寧惟是詭山諸峯攢青抹綠輻湊簷下晦明
朝夕各異狀而縹緲之間闌烟火之舍其面勢曲折可坐而數負戴騎
步之往來者馳者休者顧者招者遇朋儔而立語者值尊長而趨
拜者七皆自然遁形而望之可樂也在彼則徒見有池不知有樓又
安知樓之有人信乎登臨之勝不必在僻遠而朝市之心目邂逅而莫
之知有也抑上天作地藏不雜示於人耶侯腰萬戶之符席外戚之勢
齒不及古人強仕之年宜於富貴利祿寢酣而夢醉乃純樂

乎仁知之所樂不見驚于民不見諱于士而奄有幽奇閒曠之境於
市朝心自之所未及樂其親以及於賓客其身以及於人是可尚也已

益齋居士記

妙蓮寺石池竈記

三藏順菴法師奉天子之詔祝釐于楓岳佛

祠因遊寒松之亭其上有石池竈焉訊之土人蓋昔人所以供茗飲
者而不知作於何代師自念曰初時當於妙蓮寺見二石草中想
其形製豈此物耶乃歸物色而求果得之其一方刻之如斗為圓
其中如臼所以貯泉水也下有竅如口啓以洩其渾塞以蓄其清也
其一則有二四圓者所以層火櫛者所以滌器亦有竅差大以通四之
圓者所以承風也合而名之所謂石池竈也於是命十夫轉置之宇
下邀賓客列坐其次挹白雪之泉煮黃金之芽因謂益齋曰昔崔

靖安公嘗為雙明耆老會其地於今寺之北岡去寺數百步而近此
其當時物欣牧菴無畏國師住錫茲寺有若三菴日常泔米一經
題品價必三倍迺為榛穢所掩沒自雙明迄今幾二百年始為吾
一出而効用於前請為記以慰其不遇而慶余之能得也竊惟雙明之
會有李學士石叟凡一草木之微苟可以資談笑皆載之詩文今考其
集中未見一語及此何耶雖石叟三菴之未遇而有師之遇若有所
謂數者存乎其間物之與人常相為其名焉柯之苗豐之鈞待豈
燠而著稱固也二子之鑑識為千載所服膺也師伐冰華胄也雖圓
其顱而素富貴者也今為天子之使一國之主敬愛之如師友顧為
騷人墨客逍遙乎風月之場其襟度可見矣將使後之不及見者

聞其名而知其心之二石也豈亦毫燬之留鈞歟。

義斯記

牛峯李

敬父同於余曰朋友與兄弟孰親曰兄弟親然則世之人皆急於朋友緩於兄弟何也曰以從欲之害而好利之弊也請為君言之可乎蓋接提愛親及長敬兄擴而充之由內及外者天性之真而人道之常也且如粟米魚肉麻縷絲絮衣食之常也苟或從欲好異必求難繼之物非常之味以通於口腹以便於身體不惟不通不便將不勝其害矣人於兄弟曰惟其常流於褻慢而不務於愛敬甚者猜嫌忿鬩而無一眚不至至於他人或勢利相啗貨財以相通酒食以相歡親愛之篤結託之固而此無所不至雖然既曰勢利矣勢利之竭則其相啗者適足以相害耳貨財酒食之

細曷足道耶此泯欲之害而好利之弊者也人之倫有五而聖人
序之其目曰君臣曰父子曰夫婦兄弟而朋友居其終朋友比四
者其勢若後而其用實先蓋責善輔仁能致乎人倫之懿者皆朋
友之力也然其本末固有秩然而不可易者此常棣之詩所由作也
其首章曰常棣之華鄂不韡韡此今之人莫如兄弟至於三章曰脊
今在原兄弟急難每有良朋況也永嘆五章曰喪亂既平既安且
寧雖有兄弟不如友生自古兄弟朋友之間其理不過如此詳味
此詩則聖人之意可見矣君謹慎好學其於人倫輕重親疎之
分講之熟矣今之言蓋有為而發之耳李君嘆曰然吾有親兄弟
遠兄弟二十餘人而與之遊切、烏怡、烏而又今各出錢若干命之曰義

財歲更二人而迭主之月取其息以備慶吊迎餞之用苟有羨餘將
以為較恤賙贖之資俾余孫守之以法而勿失焉蓋慕范文正公義
田之遺意也其與世之援路人為兄弟視同氣如仇讎者則有間矣子
為我記之余樂其言之合理而有激于世俗而有動于余心者乃作義
財之記而其兄弟年齒名氏具錄于左

新作心遠樓記○樓在
全州南萬德山普光寺

向師之重

興普光也余既記之矣復作樓東北隅同名於余夫名由實立命物以
類耳目所未接而使強名之所謂借聽於聲求道於盲也向曰金粟
天地之氣五行迭用而四時之宜不同也冬而欲煖夏而欲清深居以
思慮登高以舒心神此常情而理然者也今吾寺環四山地卑且隘入
其境如入環堵中是樓之作非以觀美為欲使夫居於斯客於斯

者當其溽暑蒸馱卓樹蒼鬱汗流被體而氣息如縷或春花
漫山秋月滿壑蒼蒼登臨祛煩別滯於胸中耳子何拒之固耶
余嘗聞學佛之徒槁木其形寒灰其心惟慮山之不深居之不僻而
為外物所煤故有面壁不顧者矣有鳥窠其栖巖實其室者矣
若夫厥居之僻故大屋以移之嫌山之深出高麓以望之時節漲降自
適自便雖吾儒儉者且不為而佛者為之乎然樓既成矣而其請
又勤姑取地僻心遠之意以揭之雖然心之為物本無遠近彼此之殊
儒者以正心之脩身以至于齊家理國而平天下佛者以觀心之修行
以至于見性成佛而利自它要之誠不以心觀心以心正心觀其存養如
何耳故先儒有非觀心論心一而已以何心而觀此心既以塞其請因

書其語俾登斯樓者境與心會因其名而求其義且知吾儒之言
非相反蓋欲相發者也若面勢觀覽之致非所宜書若不及焉
○盧淨順菴三藏公扁其所居曰虛淨客有問之者曰公雖毀形而有
堂記衣冠紆紉之習公雖避名而有國朝褒崇之號出有九重異眷
卿相貴交入有儒釋賓友之歡廊廚豐潔軒戶清幽或禪誦之
餘然香煮茗左右圖書商證古今其過興也作字如斗題詩滿
紙至於禮貌談笑務適人情和氣所薰皆充然如有所得客之好
飲者輒醉以酒如廬山故事雖世之享富貴而稱好事者未有
以加焉焉在其為虛淨也公笑而不應其遊稼亭李子從旁而對曰
客烏知其所謂耶夫虛者實之對淨者穢之對此物之理未有不

從實定虛由穢即淨者也。以人事言之，君臣父子倫理之實也。居
處服食生養之實也。近取諸身，則形氣之實，身體髮膚是已。
情欲之實，聲利貨色是已。當其經濟一己之私，酬酢萬物之來
所以珍瘁其筋骸，憂焦其思慮，而橫結其恩讎者，不當若膏
火之煎水炭之交膠漆之合，其所以穢於淨者為如何也。及其勢窮
理極，萎然而隕，枵然而空，冰消而雲散，身猶不可得保，况外物
乎。惟達人然後不困於物，不拘於實，聽其自然，而待其極，則未
有不愛者矣。而其真虛真淨者，未嘗不在其中。公則其人也。
抑嘗聞之公曰：人不可以不知本。安居而飽煖，非君之賜乎？則思衣
食所自如，世利在背而輒在喉，日用惟在視聽耳。該振而成就之。

非師之恩乎則以扶持宗教克復山門為已任事已乃已生育勸
勞非父母之德乎則思所以報國報社者堂而祠之碑其功德而傳之無
窮又凡有所得隨得隨施若佛僧之供經藏之節賓客之奉日不
暇及去其多藏之穢而歸之無盡寶藏焉豈世之徒知滅網常傳
空寂者所可髣髴哉故知公之不離世而能出世不役心而能存心
者能不為物所化而已是則珍壽不能奢患難不能惑聲色不能淫
何通而非虛淨耶若曰無物然後為虛無垢然後為淨必欲遠城
市忍飢寒規用力汲情心余知其去道愈遠也既以語家因書
于屋壁舟行已丑之仲夏既望自鎮江圓山夜半登舟所流至龍淵天
猶未明新旋而北晚泊古城明日早扶餘城落花巖下昔唐遺蘇

將軍伐前百濟扶餘實其故都也時被圍甚急君臣棄宮城而走義不污于兵群至此巖墮水而死故以名之扶餘監務設食于巖隈僧舍曰巳午解纜而西則有磯石穹然其下淵澄深不可測唐兵既至滿江而陣欲渡則雲霧晦冥不知所指使覘之有執穴其下衛護本國故也唐人用術者計餌而取之執初拒而不上竟力致之石為之剝今有深廣尺餘長僅一丈自水際達于石頂若斷而為之者謂之釣執臺自臺而西五里許江之南岸有僧舍曰虎岩巖石壁立寺負巖上有虎跡宛然若擘而上下者巖之西有斷崖千尺崖頭曰天政臺蓋百濟時得與天通每當用人書其名置台上君臣具袍笏列伏于北岸決渚以候天照其名然後取而用之

古人相傳如此自虎巖步至其臺、無遺址惟石罅于半空耳
此所謂扶餘之四泳一方之勝境而好事之人不遠千里而至者也
○東遼至正九年己丑之秋將遊金剛踰天磨嶺宿山下長陽縣壺
三十餘里蓐食登山雲霧晦冥縣人言遊楓岳者以雲霧故不見
而還化、有之皆有憂色默有禱焉距山五里許陰雲稍薄日光
穿漏及登拜站天朗氣清山明如削所謂一萬二千峯歷、可
數也凡入此山必由此站登站則見山見山則不覺楮賴故曰拜站、
舊無屋累石為基以俯憩息至正丁亥今濟正院使姜公金剛
奉天子之命采鑄大鍾因而懸之于站之上旁廬柴門以主撞擊
屹然金碧光射雪山上山門一壯觀也未午到表刹寺小憩有一沙彌

導以登山沙彌言東有普德觀音窟人之隨喜必先於此然深且
阻西北有正陽菴是我太祖所創而安法起菩薩尊相之所雖陡
高而稍近可上且登是菴則孤岳諸峯一覽而盡余謂觀音菩薩
何所不住余所以來者蓋欲觀此山之形勝耳蓋先往乎於是攀
緣而登果如所言甚愜來意欲往普德則日已向晚且不可留
山中遂由新林三佛諸菴沿溪而下暮抵長安寺宿翌早出
山常聞此山名著佛經而聞于天下雖絕遠如乾竺之人時有來
觀者去抵所見不如所聞東人遊西蜀我眉南越補陀者有之
皆言不如所聞余雖不見我居補陀所見此山實踰所聞雖畫
師之巧繪之能不可得其形容之髣髴也自長安寺度天磨西

嶺又至通溝宿凡入山者由天磨二嶺登嶺則望山故踰嶺入
山者初不以絕險為虞自山而踰嶺然後知其為艱也西嶺差低
登降三十餘里陡甚謂之斷髮至淮陽府踰鐵嶺關宿福寧縣
鐵嶺國東之要害所謂一夫當關萬夫莫開者也故嶺以東江陵
諸州謂之關東至元庚寅叛王乃顏之黨哈丹等賊奔北而來自
開元諸郡圍入關東國家遣萬戶羅裕等領其軍防護鐵嶺
關賊劫掠和登以西諸州人民至登州使登人覘之羅公聞賊未棄
關而走賊如蹈無人之境一國洵人被其害登山城入海島以
避其鋒至乞師天朝然後乃能殲之今余所見鐵關之險誠
使一夫當之雖千萬人師而攻之不可以歲月得入也羅公真亦

膽哉到登州留二日今稱和州早後和州自鶴浦口登舟入海
觀國島去岸十里許入自西南隅水際白沙如練其上平地
五六畝形若半壁中有庵基人言浮屠者所居也其上山圍若
陟勢不甚高蔓草覆之又無樹木視之一土坡也舟而小西崖崑
稍異其崖石則皆方直梯以而壁立其崖石則皆平圓排列一
面可坐一人然不整齊也行數百步其崖高可數百尺其石皆
方直長短若一每一條其頂各戴一小石若華表柱頭在仰面而視
可疎可愕有一小窟撐舟而入漸窄不能容舟視其窟深不可
測其左右東面之石如外面更整齊其上石脚下垂者皆平正如覆
棋局若一鉅而斲之者以此觀之則非惟外面如此盡一島乃一東方

石條也其窟巖斷品使人魂悸不可久留回舟而北又有一面如圍屏
者捨舟而下徘徊攀緣大槩石与窟無異而崖不甚高其下稍
平易其圓石排列者可坐千人遊觀者必憩息於此有人留飲
慮其風作且非烟火食者所任倚崖而東南又行數百步崖石稍
異作方鐵網長五六十丈一條若一條一面皆是人謂鐵網石此其圍島
之大際也若夫奇絕惟異之狀非筆舌所可罄鬚也誠不知造化者何
以至于此極也既還浦口華酒相賀一以獲覩勝境一以風浪不作也
自浦口棹舟而入所謂鵲浦者登元帥臺石頂澄湖一螺坑崎嶇一
奇觀也既晚石可留至縣館宿九月朔踰歙谷縣東嶺欲入穿
島回其狀島有竇通南北風濤相透而已然自穿島絕海而

南可往叢石亭其間九里又自叢石絕海而南可往金蘭窟
其間二十餘里舟中勝景不可言也是日微有風不可舟故不入窟
島臨海邊至叢石亭所謂四仙峯者其石東立其條方直大際
如國島但其色赭其崖石之參差不正耳自其上臨視之四峯離
立峭拔斷崖巖峯臨東溟萬里對西嶺千重實閩東壯觀也舊
有碑在崖上今不見遺跡在耳又於東峯有石碣剝落磨滅無一
字可識不知何代所立也人言新羅時有永郎述郎 四仙童者
與其徒三千人遊於海上此碑碣豈其徒所立者耶亦不可得考
也臨四仙峯有亭置酒其上日已晚至通州宿通古金蘭縣故
城北隅有窟人言金蘭窟觀音菩薩所住之處明日乘舟并岸而

入望見之微若菩薩形像立於窟中以其窟深且狹故不可入操
舟者曰吾居於此久矣自元朝使華本國卿士仗節剖符於方面者
下至遊觀之人無同貴賤必欲來觀每令吾舟而導之吾實厭之
嘗探小剗本獨入窟中窮而後止別無所見以手扪之一面巖石
耳既出而回視之則又髣髴其形像焉噫吾之誠有未至歟抑
其思想所致若所謂思成者歟余聞之頗有焉窟東有石池
人言觀音浴處又有巖石龕方寸其大至數寸皆敝側人謂
痛足巖蓋觀音菩薩足踏而痛石為之敝側也有金闕至高城
郡一百五十餘里實楓岳之背其山巔崑崙險絕人謂外山蓋與內山
奇怪其東南有楠站寺有大鍾與五十三佛銅像人言新羅時五

十三佛乘此鍾自西天竺泛海而來泊高城海岸既又至橋站而止
焉高城南有憩房村實山麓也由憩房陡上六十里而至橋站余
始與同遊之人約必至橋站觀所謂鍾上佛像者行既遠路且隘馬皆
瘡背病蹄或有跌後者故不復登山至三日浦、在城北五里許登
舟至西南小岬穹窿一巨石也其頂有石龕中有石佛俗所謂彌
勒聖也其崖東北面有六字丹書就視之則兩行三字其文曰述
郎徒南石行其述郎南石四字則明甚其下二字稀微不可識昔
州人苦其供給遊賞者斲而去之深至五寸許字畫不滅今其二
字石明者蓋以是歟既而回舟登四仙亭上湖中一島也徙倚環視
則所謂三十六峯影倒湖心湖可百頃深瀟漫實閩東勝境也

於國息者也人言此湖為四仙所遊三十六峯上有碑胡宗朝皆取
而沈之今其跡猶存焉胡宗朝者李昇唐之人也來仕本國出巡五
道所至輒將碑碣或刮去其字或碎或沈至於鐘磬有名者或鎔
鐵以塞之使之不聲若於寒松叢石亭三日浦之碑鷄林府奉德之
鍾之類可見也四仙亭朴君淑貞存撫時所置座主益齋先生為
之記自三日浦渡城南河過安昌縣亭宿明波驛留高城一日主人
小酌仙遊潭上過清澗驛登萬景臺宿仁覺村舍泛舟永郎湖到
臥山寺謁白衣士人言觀音菩薩所住山下石崖有竇是觀音所
入處也晚至襄州宿重九峯菊觴於樓上望泗山縣有觀瀾亭宿
連谷縣江陵存撫使李君候于鏡浦方舟歌舞中流日未西上鏡

浦臺舊無屋近好事者為亭其上有古仙石龜蓋煎茶具也
與三日浦相甲乙而明遠則過之出江城觀文殊堂人言文殊普賢
二石像從地湧出者也東有石碑為胡宗朝所沈惟龜趺在耳
飲餞于寒松亭上四仙所遊之地郡人欲其遊賞者多搬去危
松上為野火所燒惟石龜石池二石并在其旁而四仙茶具也由亭
而南有安仁驛見西石可踰嶺明日早發至燈明寺觀日出甚遠
並海而東踰嶺宿羽溪縣又宿三沙縣明日登西樓縱觀所謂
五十八詠者出至交柯驛臨海斷崖上有元帥臺亦絕景也到
蔚珍留早發縣南十里有聖留寺在石崖下長川上山崖石壁
立千尺壁有小竇謂之聖留窟深不可測又幽暗非燭不可入

使寺僧執炬導之。又使州人之慣出入者先後之。實曰狹勝行四五步稍闊起行又數步則有斷崖可三丈梯而下之漸平易高闊行數十步有平地可數畝左右石狀殊異又行十許步有竇比竇口益隘蒲伏而行其下泥水鋪席以防露濕行七八步稍闊左右石益殊異或若幢幡或若浮圖又行十數步其石益奇恠其狀多不可識其若幢幡浮圖者益長廣高大又行四五步有若佛像者有高僧者又有池水清甚闊可數畝中有二石一似車轂一似淨鉢其上及旁所垂幡蓋皆五色燦爛始意石乳所凝未甚堅硬以杖叩之各有聲隨其長短而有清濁若編磬者人言若浴池而入則益奇恠余以為此非世俗所可藝玩者趣以出其兩旁多穴人有誤

入則不可出其人窟深哉何對以無人窮其源者或云可達平海
郡海濱蓋距此二十餘里也初慮其重且汚僭僮僕衣巾以入既出
易服洗盥若夢遊華胥遽然而覺者嘗試思之造物之幻多不可
測余於國島及是窟蓋見之其自然而成耶抑故為之耶以為自然則
何其機變之巧如是之極耶以為故為之則雖鬼工神力窮千萬世而亦
何以至此極耶是日到平海郡未至郡五里有松萬株其中有亭曰
越松四仙之遊偶過於此故名焉全州觀風樓
記○李連襄至正丁未判事韓公系
祥出牧于今政尚寬仁人無怨讟未期而民有餘力謄于邑之鰥老曰
惟爾之州故所都也故其號冠於一方而按部營焉王命之頒莫不
始于此民情所訟莫不萃于茲時當暑月館宇卑湫無以避炎溽

廳事之北有小亭曰綠筠軒甚阨塞不堪處也官給其費易
亭而樓之可乎咸曰固所望也於是駿犂走聚工徒棟宇而慢尾
之猶恐不及不日而告成登而覽之廓如也公喜且曰既樓矣不可以不名
不記書論鷄林尹李至再余心語之曰余嘗按是道主是營病暑而
幾殆州之南有寺曰南高移寓數日而復命韓公之意則余志也但
所謂記者記其事也余未嘗登是樓觀其創制之何如豈可臆而文
之乎然且思之斯可記者有焉粵明凌甲申韓公先大人為家宰主
銓選余以應教朝夕左右有所觀感者多矣其堂府恢弘度量
軒豁用人之材各有所適柱石邦基丹青德化扶持宵構而其力
勛之大氣像之豪善慶之積鍾于一厥嗣以其所為移于一樓之構則

吾知其必恢弘也必軒豁也柱石之堅完有所維持丹青之煥赫
有所潤色是可記也而吾之扁則曰觀風從而為之說曰風者聲也教
也法也告也凡所以刺上化下無所關係而知國興衰者風之為也凡不
可以不觀、不可以不察觀乎地上則省方設教觀乎水上則享帝立
廟先王以文若恒之雷風益之風雷則可以立不易方有過則改小畜
之天中孚之澤必觀其上以懿文德謙謙獄緩死益之振民育德巽之
申命行事皆有所觀君子以之故按部者謂之觀風其為任重也否
乎抑亦大塊之噫萬竅之號有萬不同本之斯拔禾或盡起者有所
感也薰而解民惛凱而吹棘心者有所養也或條不鳴草必偃者
有所和也有所順也斯六不可不觀其所以然也凡則氣也凡吾之進退

周旋施為汪措喜怒哀樂聲容笑貌皆氣也氣則風也發而皆中
節則容贊化育彌綸天地寧有少欠故曰致中和天地位焉萬物
育焉登是樓者有從自我而物自物而我保合太和有得于中則吾
之言未甚為非也或有詰之者曰韓公之意則在乎避暑子之說則畧
於取涼去暑之語韓公請之則記也非說也子之言則始若記而終於
說也曰始記吾之所以為記之意終說吾之所以為扁之義子之言然矣
其曰畧於取涼去暑之語則非也子不知夫道達麴車而流涎前有
梅林而止渴者乎觀樓之扁則足矣何必曰其涼曰淒其而後可哉。

西京風月樓
記。李穡

上之十九年冬十有一月以開城尹林公移尹西京明年正月
進拜密直副使蓋褒之也化既大行人樂為用迺以五月初吉卜地于

迎仙店之舊基作樓五楹塗墍丹雘五閱月而告成望之翼如也
東南衆山如在席下而江水更其前鑿池左右種之芙蕖臨覽之
勝与浮瑯石相為甲乙而華麗則過之既得上黨承旨韓公孟雲
大書凡月樓三字以揭之而徵記於韓山李穡且曰子之靳吾記以
吾莫能名吾樓也今吾之托興也不淺子能衍其義乎余曰公之高
識洪量蓋一世而有餘且其名樓之若是也凡來而與方月行而無迹
浩乎莫知其涯涘也雖道之在太虛本無形也而能形之者惟氣為
然是以大而為天地明而為日月散而為風雨霜露峙而為山嶽流而為
江河秩然為君臣父子之倫粲然而為禮樂刑政之具其於世道也
清明而為理穢濁而為亂皆氣之所形也天人與間感應不忒故彙

倫叙而政教明則日月順軌風雨以時而景星慶雲醴泉朱草之
瑞至焉彘倫數而政教廢則日月告凶風雨為災而彗孛飛沅山
崩水竭之變作焉然則理亂之機審之人事而可見理亂之象求
之風月而足矣今中原甫定四方無虞所謂理世也我國家及間暇
脩政刑民物阜康江山清麗無適而非吟風弄月之地況西京為國根
柢控制西北人士樂業有箕子之遺風焉而斯樓也又據一府之勝
賓客之至一獻百拜投壺雅歌風來而艸莩月出而神清荷香
左右情境悠然豈不樂哉其為以太平之人也雖然鷄退聖人筆
之牛喘史氏書之所以警夫世者至矣此又公之所寓微意者歟
非樂以天下憂以天下者不可以語此不然旣連光景害我傷教君

子所著道也後之來者尚慎之哉

南谷

龍駒之東有南谷吾同

年李先居之或問先生隱乎余曰非隱也曰仕乎曰非仕也或者疑之甚又問非仕非隱則何居余曰吾聞隱者不獨隱其身又必名之隱不獨隱其名又必心之隱此無他畏人知而不使人知也仕者則反是身必立朝廷之上而軒裳圭組以華之名必聞海宇之內而文章道德以實之則其心之所托形于政事被于歌詩而灼于四方矣心可隱乎哉余以是知南谷非隱之地也今先生居南谷有田有廬冠檐宿簷之取足無心於勢利也久矣然非以隱自居也故歲至京都訪舊故繼飲談笑往來途中羸僮瘦馬豎鞭吟詩而白髯如雪紅頰浮光使善畫者傳其神未必讓三峰蓮葉圖矣南谷山可採水

可釣足以無求於世而自足也而山明水綠境幽人寂舉目悠然雖
曰神遊八極之表而不為過矣宜先生有以自樂於是也余之衰病
久矣每欲歸去來而未果也有田而近於海有廬而薄於田思得
兩全而終吾身余之望也而豈可易而致之哉先生之為正言也僕
恭陳大夫同言事昨宰相諸公階外還獨穡也而蒙異擢至今
令人愧赧先生屢斥屢起位終至三品然遺愛存於民心華國字
於物望永之李氏罕有儔美焉是必鳴騶入南谷矣異日立大策
決大議上贊南面之化如諸葛公起於南陽可必也抑未可必也
皆天也先生名釋之先稼亭公門生及第也嘗與余同中辛
巳進士科云直村廣李氏既取孟子集義之集為名而取浩

然之氣為字星山李不安說其義余又題辭其後以与之浩然
曰吾名吾字既受教笑吾之遁于荒野以避驚城之黨之禍艱
辛之狀雖驚忍者聞之不能不動乎色雖然吾之所得至今日
遁之力也夫叔向勝敵以名其子蓋喜之也子身之分也猶且名之
以志其喜況吾一身乎遁之德于我也將終吾身而不可忘焉者故
名吾所居曰遁村所以德其道也亦欲寓其出險不忘險之意以自勉
焉蓋遁者知言之一也而我則竊取之如是惟先生哀憐之忘其再
三之瀆以終惠焉余曰子於鄒國之書誠味而樂之矣其求觀聖人
之道殆庶幾乎余故不徵他書就孟子以畢其說或曰舜為
天子皋陶為士瞽叟殺人則如之何孟子曰竊負而逃遵海濱

而處斯然樂以忘天下此雖設辭處之不過如此有浩然之禍雖自
其身致之親老子幼抱負携持盡藏榛莽夜犯雨露崎嶇山谷
之中猶恐追者踵至屏氣縮、戒妻子無敢出聲其遁也亦慘矣
是宜夢驚而悟愕也方且揚、焉內以樂於已外以誇於人浩然
信非尋常人矣其中必有所主而名不虛得矣孟子曰天將降
大任於是人也必將餓其體膚行拂亂其所為增益其所不能
浩然信乎餓其體膚矣拂亂其所為矣則其降大任也又信乎
其可必也余恐浩然之不得終身於遁村也若其江山風物之勝
朝耕夜讀之樂浩然自有地矣故不詳著云○漁隱 廬東序之

居川寧也自號漁隱歸而求余記余曰上古聖人觀象制器吾

夫子繫易取而陳之網罟畋漁蓋其一也孟子學孔氏其言曰數罟不入污池魚鼈不可勝食也蓋天地間生物甚衆取之有其其食之有其時所以財成輔相天地之道者聖人之事也當其洪水之災以唐虞君臣之聖娶塗四日畝、不子三過其門而不入其急也甚矣數蹄鳥跡交於中國為民之害可謂酷矣於是教人鮮食畋漁之具充其所急矣而人之性日趨於嗜欲而不已於是乎有魚不滿尺市不得鬻人不得食之法川澤之間罔、圉、於仞而躍至理之象著矣至於學校綏興作成人材必使學者觀乎鳶飛魚躍之間深體化育流行之妙於吾心全體大用之地聖學之切成矣至於鱖魚之樂亦有助於後學蓋有物有則無事

而非仁矣東亭好古律已存心愛物其視聚歛培克之流不啻
犬彘汲以魚鼈咸若之效自任今之自號蓋自川寧始也川寧
處驪江下流其地宜稼多松樹白蓮精舍在焉金沙庄之八詠足
以見風物之美其曰東江釣魚即漁隱之地也韓文公有詩曰橋夾水
松行百步臥床莞席到僧家暫舉一手支願卧還把漁竿下晚
沙文公吾所師也吾老矣如天之福卜鄰隙地當與東亭吟哦此詩
以終吾年若夫竿也絲也鉤也餌也曲也直也謔與東亭歸而後討
論焉於是作漁隱記

陽村記

陽村吾門生永嘉權近之自號也近

之言曰近也在先生之門年最少學最下然所慕而效之者近而之
遠也故字曰可遠天下之近而又遠者求之內曰誠求之外曰陽誠惟

君子然後踐之若夫陽也愚夫愚婦之所共知也春而溫夏而可
畏秋而燥冬而復平溫歲功得以成民生得以遂近竊自謂聖
人之化成人材也亦如此詩書禮樂之教皆所以順乎天時矣而仲
尼則嘗曰以我為隱乎吾無隱乎爾蓋仲尼猶天地也猶日月也
廣大而無所不包代明而無所不照物乎其間者形之色呈露靡遺
故曰萬物皆備於我言其上下察也尚何出隱之有哉雖其陰陰
邪類亦皆無所遁其情則夫子之無所不知無所不化昭乎其明也
浩乎其大也浴沂風詠之流猶足以知和氣流行与唐虞氣象無
異則其時而化之者發榮滋長復何言哉嗟夫仲尼為天地為日月
於從游三千速肖七十之間者皆陽道之發見昭著者也而見而知之

者甚寡曾子思幸而著書至於今日源流之說行然後學者讀其書如游仲尼之天地如見仲尼之日月秦漢以來陰翳否塞泯々昏々幾於鬼域者如清風之興而掃之無跡何其快哉十月無陽矣然謂之陽月者聖人之意也觀乎碩果不食之訓則聖人扶陽也至矣春秋聖人志也麟陽物也而見獲聖人傷之甚故作春秋書春王三月釋之者曰大一統也嗚呼士生斯世不遇則已遇則佐天子大一統布四海陽春焉而已耳若余也老矣復何望哉可遠其思所以自號而益勉之哉勉之當如何必自誠始

蔡東

永嘉權希顏吾所愛敬者也清而不苟異和而不苟

同立于朝久矣未獲施其志取蔡花向日之語題其軒曰葵請

余記余則義不辭注而誦所聞曰夫理無形也寓於物之象也
理之著也是以託菟龜書聖人之所則而著草之生所以盡陰
陽奇耦之變而為萬世用物成務之宗則雖細物何可少哉如
近世觀梅之學亦本於此觸類而長烏可已也是以希顏之曾大
父文正公道德文章式百寮號其所居曰菊齋大父昌和公切名
富貴冠諸君號其所居曰松齋而尊公腰萬石符距外戚之
勢作樓于崇教里蓮池之傍額曰雲錦巢其親及宗族蓋庶
文忠公為之記吁盛矣今希顏之取於葵也蓋家法也葵之為物
傳於春秋陳水先生又取之著于詩葵之遇也大笑水陸草木之
花甚蕃獨葵也德衛足焉則知也德而自焉則忠也君子之有取

焉者豈徒然哉霜露零而菊黃冰雪盛而松青風雨雖披而蓮香
益清太陽照耀而葵心必傾其異於尋常草木也遠矣孰不愛而
敬之哉菊也隱逸松也節義蓮也君子葵也智矣忠矣胡然而萃
乎一家哉祖子孫相繼奕世所取以自表者如此權氏之不与尋常
草木同腐焉者亦明矣垂耀士林數華王國可娛也請志之陶
地古之人隱於朝者詩之伶官漢之涓誓是已隱於市者燕之屠
狗蜀之賣卜是已晉之時隱於酒者竹林也宋之季隱於漁者若
漢也其他以隱自署其名者唐之李氏羅氏是已三韓儒雅古稱
多士高風絕響代不乏人鮮有以隱自號者出而仕其志也是以
稱之耶隱而居其常也是以不自表耶何其無聞之若是耶近世

鷄林崔拙翁自號曰農隱星山李侍中自號曰樵隱潭陽田
政堂自號曰野隱余則隱於牧今又得侍中族子子安氏烏蓋
陶平隱者也陶者舜之升聞周之將興以之為地者也方冊所
載可見已子安氏年十六以詩賦中壬寅科辭氣老成同列猶
以火故不甚畏之也未嘗學問文章日進而不少止淵乎其深也
晦乎其光也周情孔思層見而疊出也向之老而自負者翕然
從子安氏求正其取學焉子安氏知文之為弊也如周之季烏汭
而求其陶復陶穴之地喟然嘆曰夫子稱周監於二代郁之乎文
弊大孰知其初之如是哉上古朴畧之風遠矣不可追矣今之制
尚古質之甚者惟陶為然茅茨土階之度也臨臺瓊室作焉

軒尊抃飲之慶也而玉杯象箸興焉而陶之用未聞其有慶也
雖慶而不離乎質也銅雀之瓦是已天下之至大者天也至尊者
帝也以帝者而事昊天天下之大事也天下之物皆備焉極其盛
也而其冠則惟陶之用焉制禮者夫豈徒哉必有所取之也亦曰
質而已矣質之道其天下之大本乎三千百復大哉之所謂出
乎子安氏崇仁其名也無一事非仁子安氏安於其中矣而又陶
名其居信乎其復於禮之本矣天下之歸仁也必矣是達也非隱
也易曰天地閉賢人隱今則明良遭逢都兪吁咈魚川泳而鳥
雲飛也流示之爵祿而監其利是以子安氏者皆山林之秀也而吾
老矣猶之可也子安氏卓然勇往之時也而以隱自名可乎余與

子安氏俱南陽公之門人也而同寮成均相送也又久故同焉頃

之子安氏其昂之執

聖居山文殊寺記

山之來遠矣根於長白蜿蜒千餘

里傍東溟南走又千里傳而最窪曰華嶽山由華嶽南逾數百里而突起者聖居也我國祖聖骨將軍虎景大王之祠在焉此所由以得名也新羅聖僧曰義相者居之或曰山之名以此其一曰九龍虎景與獵者九人入山中擊獸會日黑就巖宿虎至當實曰大吼九人相謂虎必欲啗我輩中一人必有當之者諸老投筭虎前所噬即其人也於是皆投之虎乃噬將軍筭將軍即出欲與虎鬪虎不見而實崩九人皆不得出故名九龍云山之中浮圖之宮多焉高峻寒冷難於冬居山腰以下大抵不甚阨而文殊

寺實占之衆壑會于前夏雨則聲如雷振盪林莽冰則鑿
以飲易於汲引燬而葺者久矣釋 將重營之請余筆其化

疏因謂余

也今切畢矣亦能哉余嘗有志游山病莫能興

雖欲遂前願又未知天之哀余否也如天之福策杖以往或扶輿以
游古木迴巖樓閣風中當雨詠以叙懷千仞岡一振衣吹洞簫俯
視萬里豈不火慰余鬱鬱結之抱哉殿宇像設鐘磬日用什器蓋
亦粗完其大檀越星山李侍中樵隱之夫人河氏也出財以助施
王名氏具列于左且其墓為一畝永鎮山門俾後有攷焉

永慕亭記

清之樵隱郭氏之田在焉郭氏因廬其中耕稼以供賓婚喪
祭之用雍尾殮之具粗給不顧餘仕于朝則或廢而莖若復不顧已

則推乃妻祭泔耕之讀書哦詩堯夫耕叟与之談笑而於勢
利漠然也郭氏之父壯元公在至元間忠直有文章世祖皇
帝混一天下惟日本氏獨不庭乃曰懷遠以德莫尚招徠其令
高麗馳一介明諭朕意於是高麗君臣隕越承命慎簡可
使者書狀關其人皆以計避獨壯元公有願行之言或以當宰
相宰相大喜入告于王出命壯元行婦翁崔謁欲謁宰相覆
奏狀元公奮然曰死一也死國不猶愈於死妻子之手乎既去果
不歸君臣哀之授官與田今之樞府是已長楸出騷經釋者曰
猶言喬木楸故國也其子正郎君終身悲號不樂仕進年七
十餘笑而慕之益深其孫通憲公作亭河中引水種蓮謀所

以養其志靡所不為正即公嘗曰切失嚴顏吾悲何言汝幸
宦達吾喜可知而吾無恙汝又在徇吾定不及汝矣其謁文當
世秉筆者書吾東望之思以示子孫於是名之曰永慕蓋朝而
慕夕而忘非永慕也子而慕孫而忘非永慕也朝夕如一列子孫如
一身其為慕也不曰永乎通憲公微余言大笑通憲公余同年也
慷慨有志在法司則執法而已不畏強也在言官則敢言而已不
避事也是以行省之詰而綱紀益振海島之窺而聲名益張持斧
則嚴明而已不務於苛察專城則撫字而已故稱其公勤狀元之
忠直正即之孝思蓋兼之矣宜其致身華顯冠冕士林而立于
朝也未嘗有終歲之安楸枰之居未嘗有同歲之離也三槐王氏

修德於身責報於天如持左契交手相付而狀元公忠義之報如
是何耶天之報善人也以名焉以位焉以德焉其致一也有德而
名不聞有名而位不稱君子不患也而德之不稱其位名之或過其
情君子之所大畏也今通憲公之德之君天之所以報狀元也若其位也
雖顯矣士論則猶慊然有不滿之望然年才耳順見用与否未
可以前知也則天之報以位也与其否也皆非今日之所能決也天將
大其報故遲之耶何其宜報而尚未之報耶天之定未定矣余
將於郭氏焉徵之鐵原崔氏公十而生子今其孫至多也郭氏未
有後與患焉天必有以厚郭氏矣郭氏與後矣天果未可必
矣永慕亭丘墟矣天果未可必矣使天而可必也郭氏何患焉

○
亭記

光之州理三方皆大山獨北面平遠而南山之谷出水者二水
之來又遠是以合流則其勢之益大也可知矣每年盛夏雨霖既作
狂奔猛財破屋宅鬻園田墊為民害不小為之長者寧不重為之慮乎
南山之下置分水院古人所以殺水勢也而卒莫之分於是二水交衝
之地積石為城使水小西而北流地勢北下水順其性民之害斯絕
矣迺作亭於水之故道正據其中分引湫流繞亭四面如壁水之制
亭之前後累土為岨樹花木凡二所浮橋以出入坐嘯其中如桑梓
于海而群島之出沒於烟濤雲浪之間信乎其可樂也回鶻禦天用之
南游也得至其上既還京以牧使金侯之書求名與記余曰大禹理水
見於禹貢一篇大抵順其勢而導之耳秦孝文王用李冰守蜀作

石犀豈水災及鄴道元撰水經石犀已非水竊然後之言水利害
者必稱冰云因以冰之心可見已是以杜工部作歌行乃曰但見元
氣常調和自免波濤恣凋瘵安得壯士提天綱再平水上犀奔茫
蓋調元氣平水也二帝三王之事而二帝三王之心之政後世之所固有
而未常頃刻之亡也然必託詭恠不經之說以爲經濟久遠之策則
工部之心又可見已雖然孔子嘗曰雖小道必有可觀石之鎮水愚
夫愚婦之所能知也象之犀必有其理抱朴之書言曰刻犀爲
魚銜入水、用三尺則犀之爲物可以辟水災彰、明矣又況石爲
山骨犀又御水、於是避之必矣水既知避又導之下需然無火
蛆蟻日趨於空曠之地溜、洞、至于海而後已水患何從而復作

邑居何從而不實書作斯亭當不在貶例矣故以石屏名其亭
而取二郡石屏行為之本又以抱朴子為之證而斷之以春秋之法俾後
之人知亭之作禦水災也奠民居也非徒為游觀設也登是亭者
考名思義其必起敬於金侯矣侯名賞知印宰府掌令憲司為
政有庶姓名圖隱高記余讀魯論至樊遲請學圃夫子曰吾不如老圃
余以謂遲也從聖人久矣仁義禮樂之不同而汲於此果何意哉
聖人之志未嘗忘天下遲也不及知之歟聖人雖自道吾少也賤故
多姓鄙事然委吏乘田皆在官者也任其官則盡其職盡其職
者非獨聖人為然凡為君子者之所共由也沮溺耦耕之對不恭矣
夫子責之曰雋歟不可與同群則聖人之志在天下可謂至矣老

而不遇也則定潛修垂教萬世則若可以震圓矣然猶未之聞也
然則遲也之問不獨自鄙又不足以知聖人也明矣雖然聖人以天自處
其視天下無不可有為之時故公之召之不遽斥陽貨之禮之不遽
絕千載之下猶可以想見其為心之苦矣其鄙遲也之問宜矣至於
遲則其有處必不敢企顏子顏子猶在陋巷則其不學干祿而
學圃也何傷哉由也求也見責於夫子至欲鳴鼓而攻之遲也親
見夫子怒形于色心自語曰求也由也我同列之良也而尚如此矧我
輩乎不仕則隱不隱則仕退而求吾終身之地莫圃若也於是
乎同其所以為圃之說誠於中而發於外其樞衣函丈悲惋低回
取以不得已之狀又可以想見矣詩曰濟濟多士文王以寧周之治所

以不可及也以聖門速肖七十從遊三千而學圃之同起于其間豈
不益可悲也哉烏川鄭達可歌鹿鳴而貢丘園之束帛擢狀元
而擅文苑之英華續道緒於瀟湘之源引諸生於詩書之圃
尤以善說詩見稱當世奉幣金陵浮舟日本專樹之才可謂
不負所誦矣當日折柳樊圃則因晨夜之限通乎天道之有
常十月築圃則因寒暑之運而知民事之有序民事治于下
天道順于上學問之極切聖人之終事畢矣吾舍此何適哉於是
以圃隱名其廬託余記余曰井田之法二畝半在田圃之暇由塹
但未知其時亦有隱乎無也巢許隱矣食石可一日無也其為農
圃也可知已今達可隱於圃而立乎朝以斯道自任抗顏為學

者師非其真德也明矣將與牧者陶者而伯仲乎

南陽府志
海樓記

南陽府在三國時號唐城八本國中世以來為益州之洪氏自
太祖興時有翼戴切諱殷悅者是已世為大族至江都末南
陽君誅權臣反政王室生文肅府主為兩朝大母陞之為府蓋
川靈異之氣鍾而休祥以基夫萬億年無疆之業固不可以他郡
縣等夷之也故重其守臣必慎簡海亭漢使鄭侯之至也以為日
之有出入也水之有源委也雖遠且大善其術者皆能知之況君上
之所自出乎為之臣者固當敬止而毋敢忽也矧余光被德音得
為君上所出其地之守臣哉是以夙夜惟寅務以德先化其吏不敢
加以政惠其民不敢施以威其歲大和利與不興而官患者之延作

樓于州理以壯瞻視以娛賓使揭名曰望海使其子國子生藝徵
余文為記且言曰州舊有池久廢不脩上葑下淤居人雜畔其中州
人相傳池之龍徙他境其後乃涸然莫知其信否也侯既至命浚
而葺之是日黑雲暴起東南風雷隨之而至州人望之矯矯見龍
之尾及池而下池水沸三日白氣蒼然不止老幼嗟異余曰心之用大矣
一忘其心則天下無足為者鄭侯敬止之心洞達無間故明則人和
幽則物格是樓之微何足道哉故先書郡故後錄龍返之由以告
來者焉侯名乙卿字善輔以幹材行于世云。復齋記。李崇仁。古之肄業
必有其地若國之有學黨之有庠術之有序家之有塾是已自家
塾之廢而齋舍作焉夫既齋而名之既名而稱述之蓋欲居是齋

者思所以稱其名齋之義焉則其於隸業豈不有所增益者哉
吾友藝文應教西原鄭曼碩氏扁其所居曰復齋就余文記之
余嘗讀易復之一卦因以參考先儒之說以為復有三繇陰陽有
天地之復焉氣動靜有聖人之復焉路善惡有衆人之復焉蓋復
之為卦陽之消極於上而方息於下者也孟冬之月純陰用事俯仰
兩間品彙歸藏既而一陽復萌生物之心盎然呈露乃天命流行
造化發育機緘之動實始於此所謂復其見天地之心乎維聖
人亦然其未感物也此心之鑑空衡平於寂然中者雖鬼神亦莫
得而窺也及夫酬酢之際如舜之好生禹之拯溺文王之視民如傷
是乃聖人所以心天地之心而人因其動而見者也若夫衆人之生氣稟

既駁矣物欲又蔽矣喪其心而不自知者皆是然其本然之善固在
如陽之未嘗盡而必復也故隨感而見自有不可遏者焉雖至窮
者不純或屑於嗟來之食至暴者不仁或忍於匍匐之入此其善端
之復而不敢忽者也夫復之義有三而聖人之辭拳焉致詳於衆人
之復者何哉蓋天地之氣靜極而動自常有復之理是故易之教人
雖歸於天道而尤歸重於人心焉初之不遠復二之休復三之頻復
四之獨復五之敦復六之迷復何其人心之難保也如此哉聖人特復
之卦辭以明天地自然之復而於六爻皆言人心之復不一而是使當世
之人觀其辭玩其占總有以趨吉而避凶可謂至矣雖然吾夫子於
不遠復下又贊之以脩身也又以顏氏之子當之夫學顏子之學固

吾儕之所願也今吾与曼碩氏從事於不遠復之元吉而深戒乎
速復之凶其殆庶幾乎晦庵先生有詩曰歲微諒難忽善端未綿
綿閉閤息商旅絕彼柔道帝至哉言乎曼碩氏識之私與亭記龍
山素稱有湖山之樂土且肥衍宜五穀水運舟陸行車舟宵晝達
京都貴人故多治別業焉前奉訓金公退休以久矣偶於所居東得
一丘高亢穹隆狀如覆舟遂作亭於其上掾取之松蓋取之次地
確者夷之概木翦翳者疏剔之周行四顧無所不可於是請名於金
秘監書秋興亭三字為扁而屬余記余求其一二之似而文之曰天
地之運無窮四時之景不同吾之樂亦与之不一而足烏吾想夫
春日載陽東風扇和林花野草紅鮮綠縈於是浩歌徜徉悠

然有吾與點也之氣象矣。畏暑流空，銷金燁石，大地洪爐，於是蔭
佳木乘清飈，披襟散步，汗漫若御寇之游矣。朔風凝沍，孤鴻叫
雲，滕六效技，江天一色。於是扁舟汎來，高懷雅致，髣髴剡中之
行矣。秘監獨何秋興之取哉！蓋夏炎而冬冽，人皆苦之矣。唯春和
秋之清，宜於人也。雖然，和之氣使人易入於怠惰矣。至若薜荔司清，
商報律乾，端坤倪澄，明軒豁其氣之著於人也。雖切名富貴之所以
執夫中者，亦愛而為清涼矣。四時之景，莫宜於秋；之景，莫勝於
茲亭。秘監之命名，其在此歟！金公年既壯仕上國，其所交皆膏粱
軒冕之儔，其所遊觀盡崇侈博大之極。今乃休之焉，卷而懷之，方
寸之間，瀟灑無一點塵，蓋清者也。秋興之扁舟，亦宜哉！或曰：春夏

冬之勝於菴亭者子曲暢無餘矣秋興之可以為勝者引而不
發何也他日携金秘監幅巾藜杖從公于菴亭歌茂陵之辭
和安仁之賦秋興之說當取之左右而逢其原夫是為記

野望亭
記

唐

李子作亭于陂塘之右旄丘之上而其制度狹隘蔽風雨僅容

膝耳未可以列盃盤慰賓客也李子朝步自松堂携子弟携杖
屨經菱茨蒲葦之洲度魚蝦鷗鷺之渚既至于亭則露頂坦
腹箕踞其上心境俱閒身世兩忘於焉怡神丘壑之間游自天
地之外而江山之美風雲之狀快於一覽而野望之趣不一而足矣余
惟在野且久其為野人也非禮樂之野人也乃出祖賦養君子之野
人也然且仁以望君敬以望臣望父望子以孝望友以信外此又

豈敢有所望者乎人或以此望吾則我固未始也此則野望之
意已寓夫作亭之前矣道出亭之西通于巨鎮行旅絡繹見
有鞍馬之輩則雖雅素引身低細不接一言繼其所如彼止將
鄙而不再目焉或值山僧野客搖扇以過呼值上座接以譚笑
怡然荅述移時竟日坐困而起則揖与之別曾不留行既歸則退
而游於寬閒之野釣於寂寞之濱及暮將還又於斯亭騁目焉
如是日復一日有恆則匪朝伊夕遇興則日或再三凡吾處世棄
我取人鄙我与又從而寫好之皆以亭之類也亭以陋而無守者人
或將壞而薪之故每至十月之交則壞而藏其材及明年季春又
亭之明年也如之得物生無窮之理且無傾覆之患固不樂然

冬之勝於菴亭者子曲暢無餘矣秋興之所以為勝者引而不
發何也他日携金秘監幅巾藁杖送公于菴亭歌茂陵之辭
和安仁之賦秋興之說當取之左右而逢其原矣是為記

唐

李季作亭于陂塘之右旄丘之上而其制度狹隘蔽風雨僅容

膝耳未可以列盃盤慰賓客也李季朝步自松堂携子弟携杖

屨經菱茨蒲葦之洲度魚蝦鷗鷺之渚既至于亭則露頂坦

腹箕踞其上心境俱閒身世兩忘於焉怡神丘壑之間游目天

地之外而江山之美風雲之狀快於一覽而野望之趣不一而足矣余

惟在野且久其為野人也非禮樂之野人也乃出祖賦養君子之野

人也然且仁以望君敬以望臣望父望子以孝望友以信外此又

豈敢有所望者乎人或以此望吾則我固未始也此則野望之
意已寓夫作亭之前矣道出亭之西通于巨鎮行旅絡繹見
有鞍馬之輩則雖雅素引身低徊不接一言繼其所如彼止將
鄙而不再目焉或值山僧野客擔負以過呼值上座接以譚笑
怡然荅述移時竟日坐困而起則揖与之别曾不留行既歸則退
而游於寬閒之野釣於寂寞之濱及暮將還又於斯亭騁目焉
如是日復一日有恆則匪朝伊夕遇興則日或再三凡吾處世棄
我取人鄙我与又從而寫好之皆以亭之類也亭以陋而無守者人
或將壞而薪之故每至十月之交則壞而藏其材及明年季春又
亭之明年也如之得物生無窮之理且無傾覆之患固不樂然

城

本朝自諸城時素稱善守城其在三國已支文德以平壤孤城拒天下之兵想當時必得其守之法有以制敵也及統三之渡四方無虞以至數城而田之實升而家之收械寇而薪之蕙安既知守之法者老而至死則絕無傳矣及至中葉國步艱難舟兵乘隙突入倉猝無以應憂因循乃終完憊然守之不得其術元冲甲雖擾雉岳擊走舟兵特出一已忠義勇悍足以激衆耳固非盡得性時守之法也自庚寅以來倭寇擾邊為患日甚上軫慮宰臣獻計而其為策不務堅壁特出清野以待之沿邊而戍之則其取謀適所以引寇深入而使我衆反無所據耳今元帥朴公嘗為府使金海時始修望山城而其守之真之法既備矣士卒習而

願一試之時賊未蟻附公命衆入守矢石俱下鼠輩且死且走而
突兀孤城截然不可犯因獻級于朝上謂宰相曰城堡之置弱可
以制強寡可以敵衆逸可以待勞也今此計得行悉祖宗生靈之
福也遂下諸道沿海郡縣各置城堡以守之使賊顧後慮前不
得肆其惡然後邊警稍息昇平以至今日惟公之賜也公行營于
東萊之墟見其田野甚穢人烟蕭索慨然有興復之念謂軍官
群有司曰東萊為縣東南之第一也海錯之饒土物之富國家之
寶焉者不賢且東有海雲臺昔日神仙之所遊樂也北有溫泉異
代君王之所湯沐也其他以仙境命名者八九其所以其陸沉乃有
為將帥者不得辭其責也蓋城之使斯民還定安集以供國家之

需且使邑治依舊乎苟然城于茲鼎峙於金蔚二城之間
使邏卒舟於城下賊不足下衆皆無異辭公於是移牒荅丁
迎叩課程徑始於丁卯月閱月而叩告成公徵余文記之余曰城
之叩一國賴之史氏必倣春秋城邢城楚丘之例固已特書矣彫蟲
小子何敢為贊辭然記亦有不敢辭者夫民保於城保於德
故得其人之為難也如詩所載召伯城謝仲山甫城齊必皆得其人
也公將何所安焉獨答錄余常讀陸魯望敬人傳以為斯人也放
浪自肆不拘禮法宜乎守道者之不取也彼既心志形神任其自
便時人目之為敬實於名教之外而敬人者略無疑而反以為號何也
蓋以元氣有融結必有含散之機天地在太虛中冲漠無朕而陰陽

流行其為風為雨為霜雪為雷電者天之散也其為江為淮
為河為漢者地之散也天澤施而歲功成水道通而民生厚則散
者能通變化之謂非指不檢束之意也且土与石氣類也石則碌焉
耳至於土其性極散故可以稼穡可以成器可以取用是知天地之氣
散而生物之生亦不能無賴乎散之也人之亦然心悅則樂則發散
於外推是心以施於民則和氣所感可以致天位物育之化矣昌寧
成相國素性雅澹而幽獨是果且示夫致慎之意名其所居曰獨
谷及其為首相也以絕俗之見高尚之志勞於吐握困于調燠加
以衣冠束縛但綬紫紱一朝幡然致政懸車而其邱宅遠於朝
市門庭如掃幅巾藜杖散步以出或陳于山或降于阿或尋梅

或採菊露斯霑履風其吹衣逍遙婆娑惟意所適如是者日
車為凡將忘其身之疲而樂之益篤銘前日散之於民而使之樂
者以自樂焉遂命與聲為詩之德者寫意坐散步二圖以示起
居無時惟適所安之意燕坐則陽村先生記之矣散步之記屬
之於余以承公之知辱公之賜辭不獲讓則曰昔曾點之言志
曰浴乎沂風乎舞雩詠而歸夫子与之明道先生之言曰自見周
茂叔吟風弄月以歸有吾興點也之意思夫不越跬步情興悠
然直与天地上下同流其有得於杖屨之間者悉本於涵志之聽受
几案之存養矣然則公之散步特怡然觀物樂其日用之常有
浴沂風雩之樂得吟風弄月之趣豈是規規如仲由之傳乎雖非

固其肌膚之會筋骸之束豈是湯之如魯望之流乎惟其所樂
不假於人隨處充滿固無讓於前脩是宜記於是纂屬為記
以旌公之德行以壽其不朽云

漁村記
權近

漁村吾友孔伯共自號

也伯共與余生年同月日後故余弟之夙神踈朗可愛而親捷
大科躋腰仕飄縷紆組珥筆尚重人固以遠大期而蕭然有
江湖之趣性興酣歌漁父詞其聲清亮能滿天地髣髴聞
曾子之歌商頌使人胃次悠然如在江湖是其心無私累超出
物表故其發於聲者如此夫嘗一日語余曰余之志在於漁子知漁
之樂也夫太公聖也吾不敢必其遇子陵賢也吾不敢異其潔操
童冠侶鷗鷺或持竿或棹孤舟隨潮上下任其所之沙晴繫

纜山好中流魚肥膾鮮舉酒相酬至落日落月出風微浪恬
倚舫長嘯擊棹高歌揚素波而凌清光浩乎如乘星查而
上霄漢也若夫江烟漠漠陰霧霏霏揚蓑笠舉網罟金鱗玉尾
縱橫跳躍足以快目而娛心也及夜而深雲昏天晦四顧茫茫漁
燈耿耿而鳴編蓬疎密間作鵲之聲寒響哀息偃舟中
神遊寥廓懷蒼梧而弔湘累固有感時而遐想者夫花明兩
崖身在畫中涼盡寒潭舟行鏡裏畏日流炎柳磯風細翔天
飛雪寒江獨釣四時代謝而樂無不在焉彼達而仕者苟冒於榮
吾則安於所遇窮而漁者苟營於利吾則樂於自適升沉信命舒
卷惟時視富貴如浮雲棄功名如脫屣以自放浪於形骸之外

豈若趁時釣名乳沒於宦海輕生取利自蹈於重淵者乎以
余所以身簪綬而志江湖每托之於歌也子以為如何余聞而樂之
因為記以歸且以自觀焉。貞陵鰥堂雷洪宗本
社興天寺造成記 惟洪武丙子秋八月

戊戌我小君顯妣康氏薨 上心傷悼命有司追謚尊號曰神德

王太后卜葬得王宮之西南數里之近岡密朝抱風水應吉越明年

丁丑正月甲寅葬于貞陵又置塋域之東創寺曰興天追冥福也

未期年而役告成佛殿僧寮門廊庖漏凡以楹計者一百七十有餘

間榱棟奧輪金彩炳耀及期而小祥張皇法采以落朕成賜曰

予結用充供費俾為曹溪宗本社置僧堂坐禪永為恒規九

月丁丑上命召臣近若曰予在潛邸常勤中外暨化家為國之

之日惟神德內助寔多及茲萬機之勤規益奄有遷逝歲言
莫聞如失良佐予甚悼焉冀其利生創立茲寺又欲推澤福
國利物永世無窮宜昭此意垂示于後爾其文之臣近拜手稽
首言曰自昔王者受命造邦亦莫不有配匹之賢以助其德故王
化之行咸歸內治百夏之淮山商之有莘周之任姁簡策稱美輝映
千古恭惟我神德王太后天賦貞嘉躬行節儉夙彰坤順克
配乾剛孝敬盡於宗祀禮式著於闕門心始基闢睢之化逮下
得樛木之仁風夜匪懈警戒無違不溺宴安不聽私謁裨贊王
業篤生元良以綱一代之興以立萬世之本淑行懿範誠無愧於古
之賢后矣宜享斯祐而遷慈棄世玉貌永閔香魂莫追宸恻

靈政之虧臣庶嘆母儀之缺禕綸韶光山陵掩耀雲愁月慘
滿目而悲嗚呼痛哉然而賢德彰徹遠聞上國天子是悼賜
勅吊慰哀榮之典可謂脩矣竹帛之編金石之勒實可與塗莘
任姒之列比賢並德流耀罔極顧臣詞拙不足以摹寫萬一承
命戰慄罔知攸措若夫崇佛建寺果報之腹隨所願欲莫不
響應善利人天饒益無垠如佛所說豈臣言語文詞所能形容
故不贅及心免麻 吾友鄭君守弘以省郎出守安城政績既效
民賴以安脩其廨舍東樓使其學之長鄭翰走京師致書
於陽村之第曰樓本居昌慎君仁道為宰時所寘也至正辛丑
仁賊陷松都乘輿播越賊遣先鋒稱使者侵掠諸郡由此而北

三十餘州望風而降至有以公服出迎蹈天之勢汎濫而南將軍
國淪胥而莫之遏惟此邑章先舊義倂降宴犒醉而殲之賊由
是不復南下國家得成興復之功褒其義烈陞為知官明年
癸卯慎君寔未以作斯樓則斯樓也所以旌敵愾之功陞秩之榮
也不可以不重然慎君能作而不能名又不能記其事以示于後今
既歷三紀之久老者逝壯者老矣又歷而久則斯邑之有切於國
斯樓之有重於邑者後之人將無繇知之矣於是仍舊葺治易朽
以堅名之曰克敵願得吾子文以為後徵俾邑人世世毋忘其前烈若
夫近則山鎮東北蒼松喬木蒼蔚深邃南有大川自東而西小
吏十餘家點綴於內平田數十頃延袤於外桑麻接畛禾稼盈

畦春而耕夏而耘朝而往夕而還凡邑人之有事於其中者皆
可俯而窺也遠則天興青龍群峯闔然若朝若揖屏擁而
環列極目無際此斯樓之勝槩也昔韓文公未登滕岡而記之
幸石以未寓目為辭余惟王氏有高麗五百年間被寇之劇
與若忠烈庚寅之哈丹恭愍辛丑之紅賊鐵嶺失守哈丹陳
入若外虛邑及至原州冲甲以匹夫奮臂而呼克殄欽醜矣美
之松京既陷紅賊之熾分兵而南所嚮風靡如決江河滔々莫禦
而此邑之人効忠殲賊屹為大坳以遏其橫流之勢切烈之偉視
冲甲無讓所當大書特書以為萬世之勸者也吁忠義人道
之大節王教之大端也鄭君早以忠孝之資講明仁義之學立志

之高勸節之確固已卓然不群矣今其在政于茲首徵是事
特揭而名之于斯樓以勸後人於無窮是亦可書也後之登斯樓
者想前人之烈思鄭君之志有所感發於秉彝好德之良心則
忠義志節之士林而出矣其有裨於王化為如何哉或曰克敵
之效必待夫危難而後見是曠世而僅有焉者也節義之士雖
有恥感茲將何所現其志歟余曰事有大小其理則同凡物欲
之有害于吾心之天理者皆敵也貪黷之害廉苛暴之害仁阿私
之害公偏曲之害正皆人所當為敵而克治者也觸類而長推之
事物則日用之間凡所以自勝其私以復天理者無通而弗克
敵之切義不可勝用矣孔子語顏淵曰克己復禮為仁請以是

為事則鄭君之志殆庶歟矣洪武三十一年。五冠山聖燈建文元年

己卯冬都承旨臣文和以王命召簽書中樞院事臣近傳旨若

四五冠山聖燈庵蓋自前朝太祖王氏始實予在潛邸圖新厥

庵迨茲有成施以玉田如婢有宜文之垂示永久臣近俯伏受命

而退謹替庵之舊籍五冠山之西峯有石屹立銘利如戟人謂之戟

巖其山脊迤邐而西折而南接于松蘿王氏太祖統一三韓肇建

都于松蘿之陽術士進言戟巖突然起乃當地脉第二順統肺

所衝天而突是為三災發作之所若欲攘之宜豎石幢於是就其陽

崖巨石之上樹石柱四方列如庵置長明燈以鎮戟巖之災且以明

君相繼忠臣不絕為願故王氏世令太府寺供其燈油致和戊

辰侍中尹頌相忠肅王至順庚午侍中韓浚相忠惠王皆與兩
府諸公添其油錢列名于板洪武癸亥侍中曹敏修等又與兩
府出米若布以贖其用韓山李穡為文以記登書柳珣等又為作卷
是聖燈之為世之所重蓋如此今我主上殿下以元良之德勇智
之資惟忠惟孝佐太上王弘濟多艱旋膺天命武啓朝鮮億萬
年之業當在潛邸以賢與長謳歌志歸益宗謙德寧履不
越惟有利於國家是圖是力迺於戊寅孟春始新庵庵及秋八
月遂承太上王命傳即寶位明良相遇更新政化庶績咸熙
四方無虞聖燈之效蓋不誣矣其所重營佛宇三楹掛以新畫
釋迦三尊十六羅漢十大弟子五百聖衆都會之像東付翼室三

楹所以寓僧也西付三楹所以為爨也納田百結奴婢十九口所以
續聖燈而永食輪也嗚呼自王氏始實此燈子孫相傳歷五百
年而遇惟新之朝凡所以光資法事益圓且備則其所以利益
邦國者益大且久當與此山此燈同垂罔極而不援矣。大和蔚為樓記
州東南際巨海去王京最遐距州之西數里有大川南流東折而入
海其東折也水亢宏闊而澄深曰黃龍淵其北石崖截然壁立
亦南迤東迴有山巋然峙于水南名葩異卉梅竹山茶經冬馥
郁四歲春塢新羅之時始置寺于此崖之上曰大和西南起樓下
臨淵水山槎野外海接天涯登覽之美最為奇勝建文元年
令國舅驍興伯閔公需奉使至此觀其南樓已廢而空獨撓

駐節彷徨顧瞻咨嗟慨然有新構之志及還于朝未嘗暫
忘越三年卒已判事安君魯生出按是道詣公辭公語其事
安君對曰敢不敬蚤夜新起此樓以無忘公勤旣之部令行政
肅乃募游手乃斷乃陶知州孫君光衍憲力監督不煩于民
不月而營規模制度視舊益壯甚秋驪興公又奉御胎將安
于星山謂余曰樓甚亭觀之設雖若無關於政治然時遊觀而
節勞逸吾國無之蔚之大和樓固一方之奇勝也余惜其廢壞
若有累於治平之世常囑按廉已新之矣今余又奉使往其道是
不可無文公記予無讓余惟以樓聞於國中久矣然以具在於窮遐
絕塞之上故其登覽喁喁詠者非廢棄羈旅之士則按轡剖符

典一方宰一邑者有其居宰執近密者一往過之亦鮮矣況以
國舅之尊秩崇侯伯又當位冢宰摠百揆如公之比者三年
間節鉞再臨自有以樓以來不知亦常有乎否也公風神清
朗襟韻超逸文行節義表儀朝著雖處富貴而雅淡閒
適之趣不少愛吾想夫公之登斯樓也洒落之懷與風月俱清
恢廓之量與海水同大此公所以樂之而不忘也公推此心以一
國同衆吾民其庶幾乎吾安得陪公而往從公之後登覽寓
目觴詠其上而備記其勝槩乎。月波亭記善州之東五里許有津
曰餘次自嵩之汝水而南流者也賓旅之由嵩而之南州者亦至是
站焉實要衝也津之東有小山臨峙者全人李君文挺為宰始

構亭號月波歲久已廢矣建文元年春今國舅驍興伯國公奉
使過此惜其廢久而與純新之者也既還大寧崔君國通寧是邑
公命新構崔君樂從之下車數月政修人和更相地于舊址之北
石崖之上爽塏奇秀尤得其勝不欲煩民乃募僧徒八月始事
十月告訖且為燠室以待賓旅之宿越三年秋崔君以司水監石
還于朝驍興公又陪御胎性安于星山將再過此徵記於余欲歸
以揚之余詢其迹於崔君崔之言曰亭之上下稚松鬱然石崖巔
然長江纏帶乎其前大野紆餘於其外岡巘撲地烟火相望善
之邑也耕牧漁樵歌謳相答偃樓終繹於其野者善之民也西
南天豁川陸渺漫雲烟寥愴氣像萬千至若江清月朗人

影相涵靜如沉璧動如躍金橫如素練直如卧塔冲融晃朗天
水一色此月波之所以得名而尤此亭之一奇也北望有山樹鬱蒼
蒼是昔王氏太祖祖征新羅駐蹕也雄風壯氣至今凜凜直与高
山流水而無窮登此亭者亦不絀不為之遐想者也若夫驥興公以
國舅之尊家相之貴再來于此登覽喟詠以寓高尚之趣斯亭
之幸為如何哉余聞之書以為記

自注

近世浮屠最顯者曰懶

翁號江月軒蓋取現象應機之義自是師其道者多取水
与月以自號取之於小則曰溪曰洞取之於大則曰湖曰海水有
大小而月無不同人有智愚而性無不善可謂善取譬矣今竇
鏡又以月江號之是專取懶翁之號而倒稱之夫江也月也懶翁豈

得而私之哉月在天有目者皆可覩江在地有口者皆可吸况在人
乎求其所以為懶翁者在我而不在于彼懶翁豈得以私之哉雖取
彼之自號而號我可也且其互稱自分體用曰江月則由用而源
其體曰月江則由體而達其用體用一源上下無間師其一是而
體察之常使吾心之體湛然清明應物之用隨感不差如月之
照平江如江之受平月則雖江月吾可也雖月江吾亦可也

高州風源

桂尚州本沙伐國自屬新羅為大府迄今有餘載山川之秀
人物之繁為一道諸州之最然未嘗有樓臺亭榭之設其民
風之淳朴可想矣洪武庚戌牧使金公南得重營解宇始
置菓園于東北開亭其中吾庭主韓山牧隱相國名以

風詠仍為作記解元星山陶隱留之以詩二公皆一世文章大手
也此州聲價實增其重唐中三歲倭寇侵犯犯官虐民廬盡
罹兵燹明年辛酉李刺史田君理始^{復始}等州城拓輯遺民因舊
基創別館以待使命唐李牧使李公又^{復始}創^{復始}廨舍今牧使宋公
因判官韓公岩協心為治獎祛利害於是又就亭之舊址益
闢以廣起樓其上且書牧隱之記陶隱之詩皆復舊觀一州駭
聚為益增矣州人金公謙來語余曰吾州自有凡詠亭始得
二大儒巨筆以華其光中遭燬燼不克復建久為州人所羞
今吾牧伯政績卓異為諸州冠其起斯樓獎不及民不自而
成使命生來有所登覽州民老幼相與慶悅牧隱陶隱之

師友也何惜一言以從其後乎余曰風詠之義亭之記盡矣余笑
庸贅其曰使使節制符行過此州者得如春服既成之際和氣
洋溢尚民其幸哉以其期望於人者甚大余敢即此而申言之孔
門諸子各言其志莫不規之於事為之末曾點獨言風詠而歸
夫子嘆而与之就者謂有堯舜氣象蓋其胸次悠然與太虛同
體隨物賦形各得其所則其施措之際必有大懷若安濩未動
和之沙和氣流行民安耕鑿皞皞如在春風之中治效直与堯
舜同運堯舜之治亦不過此原其所自自有胸中無一點私累耳如
使使節制符之使登覽之際洒滌塵煩消遣世慮執熱不待濯
泉而清治繁不待謀野而獲俯仰之中斟酌之間默觀風詠之樂

而有得於心以廣物我同然之理則其治化之效豈不大哉若其樓
中游觀之勝吾老矣倘得一洗寓目以臨其風當為繼陶隱之後
而詠之耳四佳亭記四佳亭藝文館大提學老隱先生之自扁也
先生早年中魁科登玉堂入錦省長于柏府觀察于忠清所至
有聲績化士大夫之所歆艶者蓋已飽饜而厭歷先生之仕宦吁
其盛矣哉而先生之心則超然有雲烟丘壑之趣常在於物外者
矣又況沉潛於漁漁性命之學而不知倦焉則其不以功名富貴
芥于其懷也的矣松京之南數十里有山曰都羅羅結廬其陽休
暇之隙匹馬往還以償素志又以崔名其亭蓋取程子四時佳
興與人同之語也 皇明奉使太僕少卿祝公孟獻聞而嘉之

既而景又為歌詩先生命余為記余也學甚淺病且矣
烏能言哉然於先生之命義不可以言之五拙辭夫陰陽覆合
而生水火木金土五行之氣順布而四時行焉萬物以之而遂其
生矣五行之神其賦於人者曰仁義禮智信五常之性發而四
端出焉萬事以之而得其成矣在天為四時在人為四端其理一也
雖然衆人之生氣質偏矣物欲蔽矣切名利祿得失之計百
周于折凝冰焦火而相戰於其中矣尚何五性四端存養擴
克之可言哉晨昏之寢息寒暑之推遷曾莫之省矣况望
其有會於四時之佳興也哉人於是乎知克者鮮矣先生既無
物欲聲利之累矣而學同存養之切日就乎高明則其五性

四端之發而不可遏者與夫五行四時之流行而不容已者有默
契焉夫豈有上下彼此之相懸耶天壤之間同吾胷次四時代
謝佳興尚存其樂之至有難言言語形容者矣此所以取諸至
近而表之亭也歟蓋四時之氣充塞天地間有一物之或遺哉
四時之運貫徹古今間有一刻之或停哉而先生之志通乎有形
之外矣純乎隱見之間矣則先生之心與四時之氣之運其果有
二乎哉其以四佳而名亭者夫豈偶然哉通乎有形之外純乎
隱見之間者天德也有天德則便可與語王道矣繼是而位冠
廊廟得盡其論道調元之責焉則其神化之妙直有與天地
四時同流萬物各得其所以者矣嗚呼至哉此知道之君子烏

足以與此哉至若春日載陽尋花同柳江涵秋影與客據壘
畏景金流蔭佳木此受清飈汎寒綿折倚晴窓以背朝日
四時之景不同而吾之佳興亦與之而無窮者則雖如余者亦豈
嗜好常樂之而舉一隅以春而名吾亭矣如天之福卜隣隙地
日操几杖以從遊以翫四時之靈德以樂余生則余之至幸也
或謂先生之名亭也其義大哉放之六合而窮乎萬期矣而子
之說則隘陋而固滯且子以春而名亭矣一偏之甚者也又烏足
以語四時之佳興也哉余曰充塞天地則六合在其中矣貫徹
古今則萬期在其中矣天地四時亦各一氣也又況天有四時而
春無所不包則余於四時佳興之說亦得窺其涯溪之萬一矣○

慶會樓記

殿下之十三年春二月景福宮提舉司以其後殿要樓

傾且危報議政府以聞殿下驚嘆曰景福宮我先考創業之初所建今邊若是歛遂幸而觀之曰樓之傾地涸而基不固也乃命予曹判書臣子青等曰農時向近軍役游手者亟脩之予青等度地移之小西因其基稍廣其制而新之又慮其地涸環樓而池焉既成矣乃幸而登臨之曰予欲仍舊而修耳無乃過於舊制乎子青等俯伏而對曰臣等恐後日又且傾危故至如此於是召集親舊耆舊而与之為樂名樓曰慶會仍命臣崙為記臣不敢以文拙辭臣嘗聞孔子對哀公之問曰為政在人蓋人君之政以得人為本得人然後可謂之慶會恭惟太

祖

康獻大王以聖文神武之德嘉靖一方天子賜國號朝鮮遂
定都于華山之陽乃建宮室以勤政名殿且以名門其所以為有
國之本者至矣今我殿下克肖其德繼承正緒事大益勤天
子錫之誥命治教休明境內乂安今修一樓尚慮農時之近役以
游手者不日有成且以慶會名之蓋欲以清燕之暇引見君臣有
道德而識治體者察納諫獻講論道義以心出治之源尤有以
見殿下真知勤政之本矣臣竊常論之慶會者君臣之相遇
以德也有若乾之九五以其大德利見九二之大德志同而氣合以
行其道則群賢類進而國家明昌所謂雲從龍風從虎者
也若不以其德則群邪類進而國家晦冥矣間有以德而進者

用之不盡其才雜之以群邪則亡於晦冥同歸笑稽之前竟
舜禹湯高宗文武之為治皋夔益伊傅呂周召之為輔則真可
謂慶會矣若漢高之蕭曹唐宗之房魏宋祖之趙普亦可謂慶
會矣然不純於德可然肩於三代哉至若武帝之公孫弘神宗之
王安石亦可謂相遇矣歸詐釣名之譏大姦似忠之誦尚不徒免矣
何有於慶會哉又若玄宗之於宋璟張九齡真宗之於寇準亦
不可謂不相遇矣代之者林甫而雜之者欽若涇渭之分薰蕕之辨
尚不敢望況以慶會言之哉以是觀之則君臣之慶會從古未實
未易多見矣幸而千載一遇焉則其果為如何哉惟我太祖既
以勤政為有國之本而治之矣殿下又以慶會為勤政之本而勉

之初業之美繼述之善吁盛矣哉其能追三代之慶會致三代
治效以貽謀於永世享景福於無疆者端可知矣若夫山岳之
奇秀園池之富傑冰雪生乎几案江湖接乎軒墀松柏蒼鬱
花卉之敷榮風烟雲月朝暮陰晴之景物在乎觀覽之間者不
敢形容之志矣第其樓之興復有類於為國焉傾者以正危
者以安保先業也尊土以密除潤以深固在基也樑棟柱石之欲
其壯負重者不可劣也構榑榱椳之取其脩任小者不可大也敞
軒楹廣聽明也峻塔梯巖等威也下臨必悚存敬畏也遐瞻
不遺尚色慕也燕之相賀為民悅也蠅之不止讒邪去也繪畫
不侈制度文為之河中也觀游以時文武張弛之適宜也苟於

升降之際有是思焉而以之施焉則樓之益減亦不少矣敢以此
并記云。

晉山齋
石樓記

樓觀之經營為治者之餘事耳然其廢興可
以見人心世道矣世道有升降而人心之哀樂不同樓觀之廢興
隨之夫以一樓之廢興而一鄉之人心可知矣一鄉之人心而一時之世
道可知矣則亦豈可以餘事而小之哉余為此說者久矣今於余
鄉之齋石樓益信之矣樓在龍頭寺南石崖之上余昔少年登
望者屢矣樓之制宏敞軒豁俯臨渺茫長江沅其下眾峰列
于外閭閻桑麻臺榭花木隱映乎其間翠巖丹崖長洲沃
壤相接于其側人氣以清俗習以厚老者安少者趨農夫蚕婦服
其勤孝子慈孫竭其力壽歌連巷而低仰漁唱緣崖而長短

禽鳥鳴翔能自知於茂林魚鼃游泳忘憂厄於數罟物於
一區而得其所欲者俱可觀矣至若繁英綠陰清風皓月以時而至
消長盈虛之化晦明陰晴之變相代而不息樂忘憂窮矣且其
名樓之義則有淡庵白先生之記其畧曰江之中有石矗者構
樓曰矗石始手於金公而再成於晏常軒皆壯元也因是有兼名
焉題詠之美則有勉齋鄭先生之排律六韻常軒安先生之長
句四韻亦有松隱傑先生之六絕句和韻而繼之者有若及庵因
先生愚谷鄭先生彙齋許先生皆佳作前輩之風流文彩因
可想見矣不幸前朝之季石度陵夷邈隔六地海寇深入民
墜墜灰樓土燬燼矣天啓國朝聖神相承治教以明恩濡境

中威振海外向之為寇者扣關乞降終繹而馭琛濱海之地日
以闢人烟再空鰥寡舍哺哺之老酌酒而相慶曰不啻今日眼見
昇平然上心猶以為吾治未足每降教旨禁用民力守令於事涉
農桑學校之外不敢擅興一役鄉之父老前判事姜順等與諸
父老議曰龍頭寺邑初相地之所置直巔石為一方之勝景者之所
以奉娛使臣宿客之心以迎和氣而惠及鄉民者也廢之久不能重
新是吾鄉人之時共為責也乃各出財使鄉之僧典香龍頭寺者
端永幹其事余以此聞于上得蒙下旨勿禁歲壬辰冬判牧事
權公襄至與判官朴施絜採諸父老之言越明年春二月修葺
江防分民作隊各一堆以除田里積年之患不十日而畢乃於是

助其不給召集游手者數十輩俾勤其力至秋九月告成危
構聿新朕觀如爲今判牧事柳公淡判官梁施權繼至而
赭堊之且因登覽謀所以灌溉者造水車等堤堰以興民利父
老具其始末請於余曰江防之符真頭石之營皆子之結畫而樓
成之况蒙 特旨榮耀一鄉者至矣數君子之爲民慮亦可謂
勤矣盍爲記以示不泯余曰此皆由於父老之志願余何有焉然
既以人心世道爲喜且於父老之意有感焉謹書前後之見聞
者云且復切惟登斯樓者見汀草之始生念天地生物之心思不
以一毫不仁之慘而害民生見田苗之方長念天地長物之心思不
以一毫不急之務而奪民時望園木之始實念天地成物之心思不

以一毫非義之欲而侵民利見場圃之方積念天地育物之思
不以一毫非法之欲而掠民財推是心而擴充之不敢獨樂於已而
必欲與民同之則人皆知世道之和人心之樂實源於上德之深厚
而皆願效於華封人之祝矣則父老之孝、烏用意而興復者
夫豈偶然哉余幸致仕之日已近思欲正馬還鄉與諸父老每於
良辰勝日觴詠於樓上同樂其所樂以終餘年父老其待之○
○中稟養拙堂記 老子自性疎阔而常處市朝之機巧上得城南同僻
一陋巷構成養拙堂日用動靜惟拙與之同頃刻不相忘夜靜
月明群動息鼓枕高卧聽松風世人頗有謂余養拙久余亦
有疑謝之使去焉拙又意、不肯去似有慍色焉余乃翻然

惟之曰余之好拙積有年矣將恐巧也慊而石肯未矣苟然則
深恐拙去巧不來至於兩失使余惶然無所依倚君喪家之
物也不若仍留拙養之如初不失約之為愈也爾雖無形聲之
可觀其神機明鑑高出於人矣余欲近利則爾舉驅夷之行
而規之余欲求名則舉范蠡大夫種之事責之余欲行詐則應
舉古之大姦之被害大愚之終其天年者以諭之非特此也此害義
而背理傷道者無不以諫然救解之余之爵高而且壽惟拙扶
護之力居多焉今聞世人之言必是怙我也於是深自責之曰我誠
鄙人也背恩而忘義不祥之大者也仍与之養拙於堂房亟謝過而
還留之与之終吾生以徜徉且欲以此堂傳之永世使子孫無

或遠焉如有不從余言者則非孝也非忠也余將告于神明笑
今先生以養拙立志其志善乎善者也老子景慕先生之志不
意与老子同也今欲永之陪遊以期不墜斯志云○

汝川即梓潼
龍山南溪文沃

川忠清名郡也山峻而水清土肥而物阜淑氣所鍾茂林是出
士學為他郡最鄉之校雖擅棄壇地樓臺缺焉無以暢湮鬱
迎清曠豁于滄暑者久正統壬戌春郡守礪山宋先生發慨
其故乃募游手乃斷乃陶建南樓九楹不閔月而斷手教導李
君貴通以先生之意走書徵記余曰群壑擁後一溪當前南望
有山攢青戲翠低揖蒼端者西臺也東西五里許濤如白虹隱
顯軒外者巨川也至若山光水氣變化於朝夕者不一狀此斯

樓之勝槩之去累也且樓之作不于昔而于先生豈偶然哉子
邑人也太史氏也請記其績余不敢以文拙辭於庠長民者之
道惟治与教而已教者乃為治之本也學校實施教之具也其
有關於治道甚重然世之居官者大率以簿書期會是務惟
囊篋細碎是謹迂視興學累不加意而先生能以教養為已
任學校為先務乃於勸課之餘又拳焉作新樓嘉惠諸生
者如此將何以報先生之惠哉今諸生之登斯樓也雖而煩襟雪
以滯慮弦誦之暇挹灝氣賞風景得無有所觀感者乎觀山
之峙而思大畜之多識觀水之流而思習坎之常德觀鳶魚之飛
躍而思道體之察于上下觀物以窮其理反躬以驗其實則不

踰几席之近而天地萬物之理已具不外俯仰之間而窮神知化之
妙斯在一視聽無非學也一動靜亦無非學也然有從事乎此
雖頃焉游息不敢忽焉庶不孤先生之惠也或以斯樓為派連
光景之資豈先生之所望者哉請高著眼先生名乙用擢觀
科臺省學行甚高楷範儒林治郡清績無愧古諸吏若茲
一樓之微於先生不足為重輕然觀是舉驟見其為政之知本也
四方長民者之吏必有聞風而作興者况繼先生之後者乎遂
為邑子諸生喜且賀是為記

金敬周記

金墩 若稽帝王設政成務

必先於明曆授時而授時之要實在於觀天察候此職衡儀
表所由設也然考驗之方極精至密非一器一象所能取心我

主上陛下命攸司制諸儀器若大小簡儀渾儀渾象仰釜
日晷日星定時圭表禁漏等器皆極精巧復越前規猶慮制
度未盡且諸器皆設於後苑難以時占察乃於千秋殿西庭
建一間小圓棚紙為山高七尺許置於其中內設玉漏機輪以水
激之用金為日大如彈丸五雲繞之行於山腰之上日一周畫見山
外夜沒山中斜執准天行去極遠近出入之分各隨節氣與天日
合日下有玉女四人手執金鐸乘雲而立於四方寅卯辰初正
東者每振之巳午未初正在南者振之西北皆然下有四神各立
其方皆面山寅時至則青龍北向卯時至則東向辰時則南向
巳時則還復西向而朱雀復東向以次向方如前他倣此山之南麓

有高臺曰晨一人具帟公服背山而立有武士三人皆具甲冑一
執鐘槌西向立於東一執鼓桴東向立於西近北一執鉦鞭亦東
向立於西近南每時至則司辰回顧鐘人鐘人亦回視司辰乃擊
鐘每更鼓人擊鼓每點鉦人點鉦其相顧亦如之更點鉦鼓之數
並如常法又其下平地之上十二神各伏其位十二神之後各有穴常
閉子時至則鼠浚之穴自開有玉女執時牌出而鼠起於前子時盡
則玉女還入其穴還自閉鼠還伏丑時至則牛浚之穴自開玉女亦
出牛亦起十二時皆然午位之前又有臺上置歌器北有官人
執金瓶以注之用漏之餘水潑之石絕虛則歌中則三滿則覆皆
如古制又山之東則作春三月之景南則夏三月之景秋冬亦然依

幽風之圖刻木爲人物禽獸草木之形按其節候而布之七月
一篇之事無不備具同名曰欽敬取堯典欽若昊天敬授民時
之義也夫自唐虞測候之先代各有制唐宋以來其法浸備若
唐之黃道游儀水運渾天宋之浮漏表影渾天儀象以至元朝
仰儀簡儀皆號精妙然人卒各成一例未得兼考而運用之
機多借人爲今則天目之度晷漏之刻與夫四神十二神鼓人鐘
人司辰玉女佐百機罔以次俱作不由人力自擇自行若神使然
觀者駭愕莫測其由而上与天行不差毫釐制作之規可謂妙
矣而又用漏之餘水作欹冠以觀天道盈虛之理山之四方陳幽
風以見民生稼穡之艱此則又前代所無之美意也予以常接

乎左右無警於宸慮而寓夫憂勤宵旰之節豈但成湯沐浴之
盤武王戶牖之銘而已哉其法天順時欽敬之意至矣盡矣而愛民
重農仁厚之德當與周家並美而傳於無窮矣

平海郡月樓
記曰柳義孫夫

東山川之勝遊覽之樂自古稱其奇絕誠我東方之一仙境也歲戊午
春鐵城李君懷來守于茲慨然興嘆曰州縣之有樓臺所以待賓
賓節勞佚也而是郡獨無可乎況此邑東南據海西北負山有魚
鹽之利材用之儲雖不煩民可營一樓閣也遂謀諸父老乃相館舍
之東厥地爽塏募工鳩材構樓三楹始切于庚申秋不閱月而告
成塗堅丹雘不侈不陋燿然為一邑之壯觀也壬戌秋余因沐浴
而來李君携余登覽曰斯樓樸陋豈足為賞僅備君子清心之

所耳故監司漢山趙公既扁之以風月二字而吾子適至託者詆子而
誰余聞其言而教之曰昔先儒托物而詩之曰月到天心處風來水
面時一般清意味料得少人知余之誦此久矣想夫火日燒空玉汗
成漿之時登斯樓也則清風自來明月時至岸中坐久神清而骨
爽恍然若御風而遊乎廣寒之上此果則人之所同也而真知其
味者信乎其鮮矣然則風也月也則物之清乎清明乎明者也
吾之方可湛然清明無一點塵累則物我之間天理流行隨處
充滿無入而不自得矣夫然後此心鑑空衡平而應事接物皆
得其當也然後可以觀風察俗激濁揚清而無負於委任之重
也苟或不然而政煩賦重吏困於官民勞於野則耳之目之者無非

可愛之物也雖有樓臺之勝際何心而獨樂其命名之意不外是
矣然其志則寧止此而已哉必也上以是輔君下以是澤民使匹夫
匹婦皆得其所然後可以樂吾樂也趙公之志不亦大矣乎若以
是物徒為嘯詠之資而付之於一句一字之奇則是騷人墨客之所為非
吾儒之事也故余聞清心之語而誦先儒之詩用示名樓之奧義云
成均館受賜鐘
碑記云辛碩祖成均館即古之太學也與藝文校書為三館實
斯文表則之地也我太宗恭定大王之潛邸也舊學于此而筮
仕焉廟諱在今壁上題名記繇是播紳之榮望國家之待遇
非他館比舊有青畫鍾一事品頗奇絕館中寶之及太宗即
位追念舊物命有司里而藏之屢賜酒果自是益寶之文酒高

會必陳之互相酬酌以為盛觀歲久残缺儒林共惜之下卯秋八月兼大同成吏曹判書鄭麟趾送客具辭以啓上即賜白尊二隻白鍾畫鍾各一隻白磁青華鮮明炳煖匣皆具鍾心釵以白金精緻縻密並賜酒肉甚厚逮于四部學堂誠曠世之異恩也學官率諸生詣闕上箋稽首拜嘉歡欣蹈舞越數日重陽政府大曹大臣會明倫堂課諸生三館之士咸集設賜器酌黃封唱先生以勸華白相慶酒既半左議政河公演賦詩以頌之卿士繼而和之乃所以榮君賜而歌聖德也於是學官欲畧不朽請余為記以示後來余惟學校風化之源王政所先粵自唐虞司徒之職典樂之官以至曰校曰序曰庠三代之學皆所

以明人倫也後世學校之政或脩或廢而民俗之汚隆國祚之脩
短莫不由此顧不重歟恭惟我太祖挺上聖之資當應運之衰
慨然有扶綱常回世道之志每引名儒樂觀經史勅必師古及其
應運用國庶事草創日不暇給首建廟學規模宏遠太宗
繼述以精一之學任君師之責躬行率表文治蔚興每奉於
庠序之事乃於萬機之煩不忘平昔一器之微尚且如此其餘
無所不用其極者可知也今主上殿下聰明睿智聖學天縱尊
師重道樂育英才治教之隆比擬三代今又適追先志特頒內
府之書又霽雲霓之澤豈特焜耀一時而已哉吾道增重文風
益振光榮倍於曩昔美談播於無窮自斯文以來罕遇之盛事

也。禮樂之徒拭目俛觀，共被陶甄之化，均雷雨露之恩，成德達
才，皆為有用之器。舉一世之人，熙熙皞皞，相與鼓舞於鴈魚之間，
笑著我，豐芭雅頌之作，其可已乎？余雖不才，幸忝侍從，且兼
史局歌詠贊述，乃其職也，敢不揜鄙拙而樂為記，以并諸什首。
子金守溫。夫先王所以垂世立教者，燦然備具，而其宏綱大節，則
不過曰禮樂而已矣。然禮之為之，自二戴之外，無慮數千餘家，而於
沿革度數之變，殆無餘論矣。至於樂，其傳益寡，禮樂二者相
為本末，而體用不可偏廢也。何後世之言禮樂者，獨於禮之詳而
樂之缺如此乎？蓋樂者，聲音而已矣，而清濁高下之謂也。是豈體
乎性情而為之者也？清濁高下之疾徐，豈言語文字之可載，而性

情之發之妙則又有如風之捕如雷之追雖游夏命文班馬操
觚亦不差之矣蓋其人亡則性情之道亦隨而亡而無恆乎古樂之
不傳於今也夫樂之聲莫尚乎絲而絲之聲又莫尚乎琴誠樂之
者也余於他藝一不做矣而需耦於琴樂之有年矣錫來京師得與
金君子固為友金君則絃琴者也一日過其家君命酒有間乃輟
然公曰小子今為先生之釐一技之笑於是御銀甲促珠徽為鼓宮
聲之數引伸身若春雲之敷空浩乎若薰風之拂野忽然
復之揚而激之則如迅雷驟雨震蕩乎山岳驚濤巨浪蹴湧
乎天地蓋使人辟易而毛豎也然後暇如澤如以至於一成則又如
風恬而波定天開而日曜其憂深思遠則舜與文王孔子之遺音而

淳古淡泊之旨蓋在於唐虞三代之天矣噫琴之道一至於此乎蓋
子固之不數於故法之拘得之心應之手者也若夫哀而不傷樂而
不淫則又中之吾心性情之正故其形於聲音之譜者如以初豈有
其法之傳於誰某哉其亦在乎自得而已矣嗚呼禮樂一致也禮
本於敬樂本於和惟和與敬即此心之謂也禮之不可不本於敬猶
樂之不可不本於和也自堯舜而來大而朝廷君臣之際小而夫婦
居室之間何嘗一日而去禮樂哉非石曰周旋拜俯吾有文矣然二
帝三王禮樂致治之盛終不復見則豈非發於威儀度數之末
者易為禮而本於精神心術之微者難為樂乎宜乎禮盛其傳
而樂傳之寡也吾於子固民澤有感也余之椎鄙而得公同成均之

藝古者司徒掌教胄子即典樂之職也於禮樂之汚隆吾豈漠

然哉因覽吾說而錄之以為子固之軒記云

悅雲亭記

事何在乎在乎

伊川亭何景乎在乎白雲乖崖子傳驂於縣旬有五日及夫
酷愛於雲則朝而凌晨暮而為昏常在斯亭之上於是雲雖
無心而其卷舒也若有捫於人者夜則冥濛於溪壑之間暨東
方始明則雲亦闢而為散乍離乍合或東或西拖而為長則近
練橫於山腹突而為高則巍冠戴於山頂少焉日出東峰祥
光杲杲炳然而明黯然而陰倏忽之頃氣像萬千以為山澤之吹
嘘歛則即人之呼吸也要有出入之氣乎以為鬼神之變化歛則即
人之運動也要有形影之迹乎乖崖子悅而樂之援古詩一字曰

亭中何所有嶺上多白雲只可自怡悅難与俗人言既以陰縣
監李君仍以悅雲二字文亭之額夫縣在高山巨水之間雲
為斯亭之兩樹固矣然晴亦如是雨亦如是朝橫暮霽無一日
之無雲使山皆有雲則一縣皆雲矣邵之父老曰亭之南山舊有
鰲龍之湫今為樵牧所踏而夷矣則非純雲也又曰官舍之北
高峯嶄然突出即縣望也山靈故山常含雲則縣之四方皆
必有雲而獨亭之常起何也是亦不然石曰溪雲乎太山之雲觸
石而生膚寸而起其興也無所自其散也無所歸浮遊太虛間
耳何興散之可言哉旁有童子問曰雲果無所生乎余對曰生
於生處童子曰何謂也即伊川所謂起於起處也何有於亭乎因

書為悅雲亭記

神隱亭記

凌高華以求登臨之曠者必歷參井

之高蹈江河以親魚鳥之觀者必踰舟楫之危若夫不高之凌不

危之踰咫尺園園世遠城邑有地可以兼湖山之勝者殆蓋天作

而地藏之以遺其人者也夫豈易得哉王都南去五里楊花之北

麻浦之西有一丘宮室隆爽壇環以漣漪俗號火島先是為牛羊

所牧上禿而下葑未有即而愛者也上黨府院君韓公作亭其上

以為游衍之地公之登斯亭也有日鵲飛鳴而過者公曰異哉鵲之為

鳥也是蓋乾坤江海以為家凡月古今以為生載沉載浮相親相近

其來也隨潮之至其去也隨潮之退蓋天地一閒物也人孰有忘機

如鵲者乎及其入朝同名於翰林倪公倪以狎鵲為請公尤欣然

諾曰名吾亭固當遂以狎鷗扁之間欲余招牌之作記余觀斯亭
膽狀在漢水一江由亭而下水益弘闊汪洋濶濶連于大洋其岫
島之列于海上者隱現出沒於蒼茫杳靄之間其或商帆貨舸
舳舳相銜鼓櫂往來不知其幾北望三峯層巒疊嶂巔巔峩峩
崢嶸青巖翠如可承攬葱鬱鬱以拱衛乎宮闕至若濃光
欲滴翠色如潤如馬奔突以馳者冠嶽之拱于南也驚濤吼雷
駭浪沃日溜泊以赴于海者漢源之注于東也凡山水色近
可玩遠可挹以至二儀之高深三光之代明鬼神之幽顯陰陽風雨晦
明變化者莫不呈露顯現於凡鳥之下公以休暇之隙駕言出遊却
騶送上斯亭逍遙徜徉俯仰周旋方其襟袍江山戶牖天地卷舒

精神涵泳物象脩然如馭風而遊汗漫浩乎若拂翼而登蓬
壺其高情雅懷直欲遺世獨立超鴻濛混希夷有不可以言
語形容者也蓋公存志於經綸而其所以瞻眺江山者適足以資
於野謀故雖數出遊而人不以為傲公潛心於道體而其所以察乎
鳶魚者適足以資於默契故雖簡其車徒而人不以為畚耜
謝公之登東山也必以妓女則是流連光景而已矣賀監之賜鏡
湖以漫浪自適則是清狂形骸之外而已矣是皆尚一快於千載之
上矣豈可与公同年而語哉自古國家之興必有雄才碩德之人出
於其間始則佐帷幄決勝負終則坐廟堂贊化育成大功而享
榮名為邦家之柱石係社稷之安危若漢之蕭鄼侯宋之趙韓

王其人也惟公為國家宰再為國舅重扶日轂勲名德業之盛罕
有儔於古今蓋將以伊傅周召為期而漢宋之臣有所不屑也位極
人臣而節愈下切振人主而德愈謙不惟忘其勢又有以忘其富貴
不惟忘其富貴而其志恒存於江湖丘壑之僻余故曰泰山巖、峻
極于天者乃公勲名德業之盛也蒼波萬頃白鷗遊泳者乃公相忘
於江湖之外者也惟能不以勲庸祿位累其心此豈非所以然光輔
國家而永奠斯民於無窮者也耶。以堂記申侯叔胥擢辛未
科選補成均學官轉至博士出為文義青陽二縣有政聲復入
成均為典簿時居正泰長本館一日侯送客語余曰叔胥別墅在棧
城之牧村面勢爽塏左右湖山聚一方之形勝而有之環墾植以果樹

花卉而竹居多攝屋數椽而扁曰竹堂叔脊火時讀書遊泳其間
多得其性情而酷好之自遊宦東西雖不得朝夕相於而吾竹之
節之操之德未嘗忘于懷今則年暮宦情不篤將告老還鄉
卧与友者此君而已請君有一言居心曰古之愛竹者多晉有七
賢唐有六逸友之如子猷觀之如袁粲蔣詡之開徑公叔之為
所樂天有託杜牧有賦楊廷秀著之文蘇子瞻論諸詩皆與
一語及性情竹之資於人者亦多揚州之條湯為貢渭川之千畝
為侯伶倫造律呂蒼頡製簡策聖於不取之器商取之貨大者
中尾脩者中椽為簞為筥為筐為筵為席為筆宜杖宜筥宜
適而可而無一語及性情今子何脩而得其性情又知夫所謂之節

之操之德者乎豈不以竹者其性直、則不曲其心虛、則有
受通而節為禮理而折為義具衆美仁之色也宜於冬智之
屬也挺然特立剛毅不屈勇之象也貫四時不改柯易葉則
貞哉其操也傲霜雪以保歲寒則確乎其節也非鳳凰不
栖非君子不友則謂之非德可乎此則竹之性情而古今知者
鮮少惟吾夫子聞其聲而不肉三月則其真知性情之至乎嚴
夫有尚德之論寬夫著邪心之說庶幾有得於聖人之微旨渾溪
周子嘗論太極曰靜而虛動而直鄒元方以竹之虛直配之陰陽
動靜斯蓋先賢所不及而後明性情為尤切矣侯儒者也核
物窮理其必有得於斯歟然吾同貴窮理所以重力行也湛澳

之詩衛人義武公之德而終始以竹起興曾子於大學引之以為道學
自脩之目子益加切磋琢磨之時期至於至善之地則斯竹也未必
不為養性之助矣若王元之所謂宜雨宜雪宜鼓琴宜詠詩宜圍
棋宜投壺以為竹之所助則吾不必瀆告之而子必有施張者矣

○假山
記

山林歛臯壤歛人之所處不同則所樂亦不同夫一邱一壑

者乃山林肥遯淡泊者之所樂也若功名富貴於當世者則往
徂軒冕之榮也聲色狗馬之玩也凡所以悅耳目而娛心志者無不
如意又何事於外乎哉蓋蘧龍石邱壑巢許不冠冕勢不炫兩
全也吾同年昌寧成侯遭時顯隆位長六卿然雅性冲澹宅
於西山之麓環其園茂林脩竹奇花異草皆勝觀也又得異

石于衿陽聳牙稜角若蝕若嚼殊形怪狀實鬼臂而神畫
採作假山于庭除亦瑰奇可賞矣居正當造而目之山之高可丈
餘環其趾亦可數圍山之氣勢左右綿絡峭然而為峯隆然而為巔
竄然而為壑蔚然而為麓乍低乍仰行青潦白為狀不一又渚水為
飛瀑為蕤川為泓池之修廣亦不過數尺水清沙白毛髮可燭
噫之峙然也水之融然也不出跬步尋丈之間而衡廬恭華洞庭彭
蠡之勝一呈露吾疑造物者縮地脉破神惝惚移於斯也侯語
居曰余本膏肓山水者人或詆余為好事余常患佳山勝水不
在環堵之內在甚遐寂寞之濱必觸虺蛇捍虎豹帶然後訪今
余不移几席而煩杖屨髣髴湖山之景宜於目愜於心好事之詆

在斯不違居言凡人之好物皆出於天出於天雖吾之所好吾不得而知之吾既不得而知之人何得而知之乎蓋謝傳之於東山賀監之於鏡湖潘園之於三峯和靖之於西湖好之已癖夫孰勸之好之哉若同好之妙雖謝賀潘林亦不得形言之矣既無勸之好之者而好之妙又難形言則豈非出於天乎今侯之樂此樂必出於天而成於性宜乎不知者之詆子為好事也然人之好物有內外之辨若外求之形色之末而不內求諸性情之直則徒有好之之名無好之之實矣夫仁者樂山智者樂水君子之好尚必以其類侯以仁智之資觀山之靜養其體觀水之動達於用內外交脩體用俱全則其好之也有非二三子之闔其涯溪也若蘇明允作假山記曰愛之敬之

感之吾於侯亦然見山之勝而愛之慕仁智而敬之感之請書以為記

虛谷

去年春上人通徠謁余言曰將遊妙香山願子有詩余既

詩之今年夏又徠謁余言曰吾名六通扁以虛谷願子有說余曰
老氏書曰致極虛又曰上德佛氏書有五通不死六通無死無生之
說無死無生六通也上人既得之矣余復何言然吾聞虛之義大矣
天覆乎上地載乎下不虛無以圓群形河海不虛無以納百川藪
不虛無以藏衆疾萬竅至虛也風蕩之鳴萬隙至虛也日月容
其光至於陰陽合散屈伸消長變化無窮也而徠不見其形去不
見其跡非虛則然然乎今上人面壁默坐空然寂然虛舟其心天
下之物無一嬰之其虛也至矣去年遊楓嶽前年遊妙香山今復再

遊楓岳東西南北之自在也而無滯形拘跡則東西南北亦一虛也
而上人之心蹟与之俱虛矣上人之扁以虛谷意可知矣余復以吾儒
之行之切於身者言之人以助然漠然之身處於大虛之間宰萬物
而不動妙萬物而不滯者皆本於此心之虛心者本虛以故虛虛故
具衆理而應萬事虛以存之於至靜之中靈以待之於既動之後
體用相須表裏並同則其效至於位天地而育萬物者矣況事物
之理有虛則有實易咸之象曰虛以受人蓋虛則受之則益之則實
矣然則虛與實非二物也先儒曰彼之虛而無此之虛而有之者實
之謂無者空然寂然之謂此吾道與師道之分而師亦知夫二者之
說乎子韓子嘗病世之修文之士之釋氏不以聖賢之道引而進之

徒奉浮屠之說瀆告之也余學韓子者也奉以吾儒之說申之在
師擇而行之耳

